







古文奇賞卷之十五

古吳陳仁錫選評 仁和郎奎金重訂

大唐三藏聖教序 唐太宗

序聖教始  
唐父故唐

一代文字

類此者甚

眾文亦工

好而贊皇

文公輩又

交口非之

不知何也

並錄以觀

其世

蓋聞二儀有像顯覆載以含生四時無形潛寒暑以  
化物是以窺天鑑地庸愚皆識其端明陰洞陽賢哲  
罕窮其數然而天地苞乎陰陽而易識者以其有像  
也陰陽處乎天地而難窮者以其無形也故知像顯  
可徵雖愚不惑形潛莫覩在智猶迷况乎佛道崇虛  
乘幽控寂弘濟萬品典御上方舉威靈而無上抑神  
力而無下大之則彌於宇宙細之則攝於毫釐無滅



無生歷千劫而不古若隱若顯運百福而長今妙道  
凝玄遵之莫知其際法流湛寂挹之莫測其源故知  
蠢蠢凡愚區區庸鄙收其旨趣能無疑惑者哉然則  
大教之興基乎西土騰漢庭而皎夢照東域而流慈  
昔者分形分跡之時言未馳而成化當常現常之世  
民仰德而知遵及乎晦影歸真遷儀越世金容掩色  
不鏡三千之光麗象開圖空端四八之相于是微言  
廣被拯含類於三途遺訓遐宣導群生于十地然而  
真教難仰莫能一其旨歸曲學易遵邪正于焉殷亂  
所以空有之論或習俗而是非大小之乘乍泐時而



隆替有玄裝法師者法門之領袖也幼懷貞敏早悟  
三○空○之○心○長○契○神○情○先○苞○四○忍○之○行○松○風○水○月○木○足○  
比○其○清○華○仙○露○明○珠○詎○能○方○其○朗○潤○故○以○智○通○無○累○  
神○測○未○形○超○六○塵○而○迥○出○隻○千○古○而○無○對○凝○心○內○境○  
悲○正○法○之○陵○遲○栖○慮○玄○門○慨○深○文○之○訛○謬○思○欲○分○條○  
櫛○理○廣○彼○前○聞○截○僞○續○真○開○茲○後○學○是○以○翹○心○淨○土○  
法○遊○西○域○乘○危○遠○邁○杖○策○孤○征○積○雪○晨○飛○途○閒○失○地○  
驚○沙○夕○起○空○外○迷○天○萬○里○山○川○撥○烟○霞○而○進○影○百○重○  
寒○暑○躡○霜○雨○而○前○蹤○誠○重○勞○輕○求○深○欲○達○周○遊○西○宇○  
十○有○七○年○窮○歷○道○邦○詢○求○正○教○雙○林○八○水○味○道○餐○風○



鹿苑驚峰瞻奇仰異承至言于先聖受真教于上賢  
探覽妙門精窮奧業一乘五律之道馳驟于心田八  
藏三篋之文波濤于口海爰自所歷之國總將三藏  
要文凡六百五十七部譯布中夏宣揚勝業引慈雲  
於西極注法雨于東垂聖教歊而復合蒼生罪而還  
福濕火宅之乾燄共拔迷途朗愛水之昏波同臻彼  
所是知惡因業墜善以緣昇昇墜之端惟人所託譬  
夫桂生高嶺玄露方得滋其花蓮出六波飛塵不能  
汗其葉非蓮性自潔而桂質本貞良由所附者高則  
微物不能累所憑者淨則濁類不能沾夫以卉木無



知猶資善而成善況乎人倫有識不緣慶而求慶方  
冀茲經流將日月而無窮斯福遐敷與乾坤而永大  
朕才謝珪璋言慚博達至于內典尤所未聞昨製序  
文深爲鄙拙唯恐穢翰墨於金簡標瓦礫于珠林忽  
得來書謬承褒讚撫躬自省慚悚交并勞師等遠遵  
深以爲媿

高宗三藏聖教序云極空有之精微體生滅之機  
要詞茂道曠尋之者不究其源文顯義幽履之者  
莫測其際故知聖慈所被業無善而不臻妙化所  
敷緣無惡而不剪開法網之綱紀弘六度之正教



拯群有之塗炭啓三藏之秘扃是以名無翼而長  
飛道無根而永固道名流慶歷遠古而鎮常赴感  
應身經塵劫而不朽晨鐘夕梵交二音於鷲峰慧  
日法流轉雙輪於鹿苑排空寶蓋隨翔雲以共飛  
莊野春林與天花而合彩引大海之法流洗塵勞  
而不竭傳智燈之長燄皎幽闇而恒明自非久植  
勝緣何以顯揚斯旨所謂法相常住齊三光之明  
我皇福臻同二儀之固伏見御製衆經論序照古  
騰今理含金石之聲文抱風雲之潤  
其君如此其臣何尤贊皇發憤昌黎太息



六馬圖贊

其○一○曰○拳○毛○馭○黃○馬○黑○喙○平○劉○黑○闔○時○所○乘○前○中○六○  
箭○背○三○箭○贊○曰○月○精○按○轡○天○駟○橫○行○弧○矢○載○戢○氛○埃○  
廓○清○其○二○曰○什○伐○赤○純○赤○色○平○世○充○建○德○時○乘○前○中○  
四○箭○背○中○一○箭○贊○曰○漚○澗○未○靜○斧○鉞○伸○威○朱○汗○騁○足○  
青○旌○凱○歸○其○三○曰○白○蹄○烏○純○黑○色○四○蹄○俱○白○平○薛○仁○  
杲○時○所○乘○贊○曰○倚○天○長○劒○追○風○駿○足○聳○轡○平○隴○回○鞍○  
定○蜀○其○四○曰○特○勒○騾○黃○白○色○喙○微○黑○色○平○宋○金○剛○時○  
所○乘○贊○曰○應○策○騰○空○承○聲○半○漢○入○險○摧○敵○乘○危○濟○難○  
其○五○曰○颯○路○紫○紫○鸞○騶○平○東○都○時○所○乘○前○中○一○箭○贊○



日紫鷲超躍骨騰神駿氣讐三川威凌八陣其六曰  
青雖蒼白雜色平實建德時所乘前中五箭贊曰足  
輕雪影神發天機策茲飛練定我戎衣

元學士王惲跋云物之賢否一定論其遇不遇可  
也昭陵六馬天降毛龍授之英主俾剪隋亂及其  
成功琢石爲像題真以贊用傳不朽何其幸也宜  
其聲華氣猷上與房駟爭光故潼關之役備體流  
汗又何神哉如昭烈之的盧冉閔之朱龍名雖存  
而形何見焉



有辭而不  
干之氣而  
以璋辭雲  
是亦一體  
也

唐故邢國公李密墓誌銘

魏徵

觀夫天造草昧之初。有聖經綸之始。原逐鹿而猶走。瞻烏飛而未定。必有異人間出。命世挺生。負問鼎之雄圖。鬱拔山之壯氣。控御英傑。鞭撻區宇。志逸風颺。勢傾海嶽。或一丸請封函谷。或八千以割鴻溝。夏殷資以興亡。楚漢由其輕重。懋功隳乎既立。奇策敗于垂成。仰龍門以摧鱗。望天池而墜翼。求之前載。豈代有其人者哉。公諱密。字玄邃。隴西成紀人。自種德降祉。弘道垂風。導碧海之長瀾。疎閭峰之遙構。家傳餘慶。明哲繼軌。論文德則弼諧舜禹。語武功則經綸秦



漢其餘令望且公且侯垂翠綏拖鳴玉者蓋亦耆舊  
未能盡傳良史莫能詳載矣曾祖弼周太師上柱國

衛公祖曜周太保魏公父寬隋上柱國大將軍涼州

敘三代而總括之

總管蒲山郡公並匡周之美呂望愧其嘉謀平吳之  
功杜預慚其遠略公渥洼龍種丹穴鳳雛降列象之

玄精稟成形之秀氣雲生五色一日千里起家左親

衛府東宮千牛備身超馳武帳暉映廊廡出入龍樓

先生道路隋文帝精華已竭義不斷恩始開凌長之

源將至覆宗之禍公見幾而作謝病言歸優游經少

晦明藏用風塵靡雜賓友簡通交必一時之俊談必



霸王之畧尚書令景武公楊素崖岸峻峙天資宏亮

識非常

壁立千仞直上萬尋嗣關西之孔子追陝東之姬旦  
深謀遠鑒獨步當時公年甫弱冠時人未許景武一  
見風神稱其傑出乃命諸子從而友焉並結以始終  
之期申以死生之分暨有隋二世肆虐黔首三象霧  
塞五嶽塵飛妖災所臻匪惟血落星隕怨讟所動寧  
止石言鬼哭轍迹遍于天下徃戍窮于海外冤魂塞  
宇宙白骨蔽原野墳壠發掘城郭丘墟萬里蕭條人  
烟斷絕公與楚公叶契其拯橫流未息溟海之波幾  
及昆岡之火亡自道中竄身草澤奮臂大呼郡雄嚮



起豹變梁楚。鳳翔鞏洛。據敖庾而塞輶轅。登太行而

臨白馬。九服諸侯。四方豪傑。或跨州連郡。或稱帝圖

列湯帝十罪天下震動

王。合從締交。爭亡秦族者。莫不驅茲青犢。背彼黑山。

擊長轂以雷奔。望高旗而電集。不期而會者。以百千

帝遣王世充

數。遂大開幕府。肇啓霸圖。敷七德以宣威。掩八紘而

攻洛不利世充本欲以城應化及后陽帝結密東

取。俊鱗羽畢萃。草澤無遺。於是發人文以化之。播仁

擊化及禪遣告捷世充獨不悅

義以乘之。應時機以鼓之。總群策以夾之。九野風馳。

六合雷駭。彈壓趙燕。震驚江漢。世充甚昆陽之敗。煬

帝同望夷之禍。化及師殲於黎陽。建德稽顙於河朔。

七國之地。四爲我有。五都之所。三在域中。胡騎千群。



長戟百萬飲馬則河洛可竭作氣則嵩華自飛近無  
不懷遠無不肅聲濫寰宇威懾華夷屬人神乏主以  
天下爲已任荒裔佇來蘇之望遺黎有息肩之所雖  
寔下民伊賴然非上帝所臨壯志展於人謀雄圖屈  
於天命始先鳴于大樹終垂翅於羣孽乃眷西顧舉  
茲東夏載驅周道來謁承明帝曰念功降茲休命上  
柱國邢國公拜光祿卿公雖威未振主自爲謀蓋當  
世舊部先附多出其右故吏後來或居其上懷漁陽  
之憤憤耻從吳耿後列同淮陰之快快羞與絳灌爲  
伍負其智勇頗不自安俄屬元帥秦王經營瀍洛亦



親承祕策率卒先行既出鷄鳴之關方次休牛之塞  
詔命施號更盡嘉謀公想雲夢之僞遊慮青衣之許  
反心辭魏闕之下志在江湖之上慕范蠡之高蹈追  
赤松之遠遊熊耳峰危羊腸徑險降吳不可歸蜀無  
路短兵既接修途已窮陰陵失道詎展拔山之力雖  
馬不逝徒切虞兮之歌臨陣喪元時年三十有七故  
吏上柱國黎陽總管曹國公徐世勣等表請收葬有  
詔許焉體質貞明機神警悟五行一覽半面十年雅  
善書劍尤精文史輕一夫之勇學萬人之敵至于三  
令五申之法七縱七擒之功出天入地之奇拔藏權



沙之策莫不動如神化應變無窮負縱橫之才遇風  
雲之會望紫氣以驤首凌扶搖而振翮總不召之衆  
間獨夫之罪從我如流三分將二遂有囊括四海之  
志併吞六合之心既而神器不歸朝宗大闕率從義  
之旅爲勤王之師更望重自疑功高自懼將遠遊以  
逃難翻途窮而及禍惜乎高鳥未盡良弓遽折敵國  
猶梗謀臣已喪天子過細柳以興嗟聞鼓鼙而軫慮  
雅重事人之節方申詔葬之禮粵以武德二年某月  
日葬于黎陽山西南五里之平原禮也故吏徐世勣  
等或同嬰世網共涉艱難感意氣于一言託風雲于

銘云長男裴長少女留秦

陶盛彥師所擊



千載所恨並發唐代不列元凱之功俱為漢臣獨漏

山河之誓是以慟深樂布悲甚向雄慮陵谷之推移

勒斯銘于泉戶庶使神遊楚國無慚項羽之臣魂往

密家已乃歸唐可為生氣

齊都不愧田橫之冢

邵元貝以城降世允密將桂才幹滅其背密斬首祭



自撰墓誌

唐王勣

難說

王勣者有父母無朋友自爲之字曰無功焉或問之  
箕踞不對蓋以有道於已無功於時也不讀書自達  
理不知榮辱不計利害起家以祿位歷數職而一進  
階才高位下免責而已矣天子不知公卿不識四十  
五十而無聞焉於是退歸以酒德遊於鄉里往往賣  
卜時時著書行若無所之坐若無所據鄉人未有達  
其意也嘗耕東臯世號東臯子身死之日自爲銘焉  
曰

有唐逸人太原王勣若頑若愚似矯似激院止三徑



宜唯四壁。不知節制焉。有親戚以生爲附贅懸癰。以  
爲決癰潰癰。無思無慮。何去何從。隴頭刻石。馬鼠  
裁封。哀哀孝子。空對長松。

世人乞銘。往往綜括一生。至數千言。而猶以爲未  
盡。嚴子陵云。買菜乎。求益也。此銘寥寥數言。而平  
生皎然矣。○嘗云醒不亂行。醉不干物。如是豈無  
朋友

祭處士仲長子光文

歲月日隣。人王勣。謹以魚醴之奠。致祭仲長先生之  
靈。曰。明道若昧。進道若退。鳥飛知還。龍亢必悔。嗟嗟  
夫子。理融其內。不伎不求。無憎無愛。古人有言。微妙



玄通歲用以密養正以蒙嗟嗟夫子允執其中不見  
其始孰知其終蕩蕩心跡悠悠默語周覽人事退居  
河渚何去何從誰棄誰與聊同聚散亦均寒暑大矣  
夫子其生若浮至矣夫子其死若休鄉黨不懼朋友  
不憂素琴猶在黃經尚留老萊不婚梁鴻難偶筵無  
饋奠室無箕帚嗟嗟夫子豈圖其後金玉滿堂莫爲  
之守凡我故人素服臨旛葛巾從窆桐棺以遷墳不  
易隴坎不及泉苟無怛化於我問天道性旣喪仁義  
鋒起祭非古也禮之爲始吾從其俗敢告夫子清樽  
薄奠神其歆止



仲長子光者亦隱者也無妻子結廬北渚凡三十年非其力不食績愛其真徙與相近子光瘖未當交語與對酌酒歡甚

文甚宕素雅稱其人

荅刺史杜松之書

月日博士陳龕至奉處分借家禮并帙封送至諸領也又承欲相招講禮聞命驚笑不能已已豈明公前眷或徒與下走相知不熟也下走意疎體放抑有由焉兼弃俗遺名爲日久矣淵明對酒非復禮義能拘叔夜攜琴唯以烟霞自適登山臨水邈矣忘歸談虛



語玄忽焉終夜僻居南渚時來北山兄弟以俗外相  
期鄉間以狂生見待歌去來之作不覺情親詠招飲  
之詩惟憂句盡帷天席地友月交風新年則柏葉爲  
尊仲秋則菊花盈把羅舍宅內自有幽蘭數叢孫楚  
庭前空對長松一樹高吟朗嘯挈榼提壺直與同志  
者爲群不知老之將至欲令復整理簪屨修束精神  
枵讓邦君之門低昂刺史之坐遠談糟粕近棄醇醪  
必不能矣亦將恐芻狗貽夢社櫟見嘲去矣君侯無  
落吾事

負苓者傳



昔者文中子講道于白牛之谿。弟子捧書北面環堂。成剗講罷。程生薛生退省于松下。語及周易。薛收歎曰。不及伏羲氏乎。何辭之多也。俄而有負苓者。皤皤然委擔而息。曰。吾子何歎也。薛生曰。妾何爲者而徵我歎。負苓者曰。夫麗宋者。丹附墨者。黑蓋衆漸而得之也。今吾子所服者道。而猶有歎。是六腑五臟不能無受也。吾是以問生。曰。收聞之師。易者道之蘊也。伏羲氏畫八卦。而文王係之不逮省久矣。以是文王病也。吾是以歎。負苓者曰。文王焉病。伏羲氏病甚者也。昔者伏羲氏未畫卦也。三才其不立乎。四序其不行



乎百物其不生乎萬物其不森乎何營營乎而費盡  
也。自伏羲氏洩道之密。漏神之幾。分張大和。磔裂元  
氣。使天下之智者詭道逆出。曰。我善言象而識物情。  
陰陽相磨。遠近相取。作爲剛柔同異之說。以駭人志。  
於是知者不知。而大朴散矣。則伏羲氏始兆亂者。安  
得羸歎而差文王負其咎而行追而問之。居與姓名  
不荅。文中子聞之曰。隱者也。



非。竊。慮。而。美。文。王。其。本。而。林。里。而。問。之。最。與。於。此。  
休。其。吟。皆。不。吟。而。大。林。端。矣。祖。外。養。孔。故。與。昔。矣。  
外。其。林。訓。數。設。林。里。林。然。則。是。師。長。之。道。以。知。人。志。  
矣。矣。天。下。之。吟。皆。皆。並。出。曰。與。善。言。矣。而。端。於。此。  
也。自。其。數。矣。數。矣。之。而。誠。心。之。遠。矣。聚。大。吟。聚。聚。云。  
平。百。妙。其。不。坐。平。再。吟。其。不。泰。平。而。皆。皆。平。而。復。舊。



東臯子集序

唐呂才

君姓王氏諱勣字無功太原祁人也君性簡放飲酒  
至數斗不醉常云恨不逢劉伶與閉戶轟飲因著醉  
鄉記及五斗先生傳以類酒德頌云雅善鼓琴加減  
舊弄作山水操爲知音者所賞高情勝氣獨步當時  
及爲正字端簪理笏非其好也以疾罷乞署外職除  
揚州六合縣丞君篤于酒德頗妨職務時天下亂藩  
部法嚴屢被勘劾君嘆曰羅網高懸去將安所遂出  
所受俸錢積于縣城門前託以風疾輕舟夜遁隋季  
版蕩客遊河北去還龍門武德中詔徵以前揚州六

陸淳云有  
陶公之去  
職言不怨  
還有阮氏  
之族情行  
不迂物



合縣丞待詔門下省時省官例日給良醞三升君第

七弟靜爲武皇千牛謂曰待詔可樂否君曰吾待詔

變醞養瘵死醞舞薰

祿俸殊爲蕭瑟但良醞三升差可戀爾待詔江國公

君之故人也聞之曰三升良醞未足以絆王先生判

曰給王待詔一斗時人號爲斗酒學士貞觀初以足

疾罷歸欲定長往之計而困于貧貞觀中以家貧赴

選時太樂有府史焦革家善醞酒冠絕當時君苦求

爲太樂丞選司以非士職不授君再三請曰此中有

如雲得風何少葉

深意且士庶清濁天下所安不聞莊周避漆園老聃

耻柱下卒授焉數月而焦革死妻袁氏時送美酒歲



下好

餘袁又死君歎曰天乃不令吾飽美酒遂挂冠歸田  
自是太樂丞爲清流君後追述焦革酒經一卷其術  
精悉兼採杜康儀狄已來善爲酒人爲酒譜一卷太  
史令李淳風見而悅之曰王君可謂酒家之南薰君  
歷職皆以好酒鄉里或哈之因著無心子以喻志河  
汾中先有渚田十數頃稱良沃鄰渚又有隱士仲長  
子光服食養性君重其貞素顧與相近遂結廬河渚  
縱意琴酒慶弔禮絕十有餘年河渚東南隔有連沙  
磬石地頗顯敞君于其側遂爲杜康立廟歲時致祭  
以焦革配焉貞觀中京兆杜松之清河崔公善繼爲

以配

○其○妻○亦○宜○祀○江○國○公○亦○宜○祀



州刺史皆請與君相見。君曰：「奈何？」悉欲坐召嚴君。  
平竟不見。崔杜高君調趣，卒不敢屈。但歲歲往來。  
酒鹿脯。詩書往來不絕。君又葛巾聯牛躬耕東臯。每  
著書自稱東臯子。晚歲醉飲無節。鄉人或諫止之。則  
笑曰：「汝輩不解理。正當然。」或乘牛駕驢出入郊郭。止  
宿酒店。動經歲月。往往題詠作詩。好事者錄之。誦咏  
之。耕雲臥

並傳于代。貞觀十八年終于家。



爲人與蜀城父老書

唐王勃

蓋聞天地作極不能遷否泰之期川岳薦靈不能改  
窮通之數豈非賢聖同業存乎我者所謂才榮辱異  
流牽乎彼者所謂命是以龍驤鳳翥一作峙伊周成翊贊之  
功含糗羹藜顏冉困棲遲之病或先號而後笑或始  
吉而終凶事不可量功未必定則知洪濤未接長鯨  
多陸死之憂曾風未翔大鵬有雲傾之勢地鱗并鮒  
亦將鼓鱗而輕之田鳩埜鸚亦將騫翮而舞之及其  
衝溟渤接扶搖吹波則江漢倒騰氣則虹蜺掩摩赤  
岸負蒼天然後知其力焉吁韓信之無津也昌亭之



一、餓、夫、耳、馬、卿、之、失、路、也、臨、邛、之、一、食、客、耳、武、不、足、  
以、服、衆、文、不、足、以、動、時、長、劔、屈、於、無、知、洪、筆、淪、于、不、  
用、洎、乎、雄、圖、躡、運、至、尊、納、背、水、之、謀、麗、藻、昇、朝、天、子、  
賞、陵、雲、之、作、威、加、海、岳、聲、振、廊、廟、彼、淮、陰、之、俠、少、成、  
都、之、遺、老、也、又、焉、能、知、遠、近、哉、是、以、鑒、物、於、肇、不、於、  
成、賞、士、於、窮、不、於、達、是、知、卞、和、之、得、玉、也、精、存、於、岍、  
谷、之、間、張、華、之、得、劔、也、氣、發、于、星、辰、之、際、夫、豈、琢、磨、  
成、器、然、後、知、其、寶、剗、斷、爲、能、然、後、知、其、用、哉、仰、惟、鄉、  
耆、等、並、玉、山、高、族、金、堤、勝、侶、列、子、弟、於、干、城、耀、衣、冠、  
于、百、代、或、以、風、雲、去、國、公、孫、驪、馬、之、年、鍾、鼎、從、王、諸、

三州華宇  
宇碑山川  
隱嶙空傳  
萬嶺之基  
濯莽蕭條  
亦復鶯林  
之樹  
函關雲物  
更逢其聖  
之期并終  
星辰重集  
會昌之運  
秋水銀塘  
影數中軒  
之芟  
六月雄雷  
擊長波而  
未遠  
辭羅人事

葛攀龍之日門庭相接雕甍將綺棟連陳機杼相加  
鳳攝將虬梭交響金漿玉饌食客三千綠幘青裳家  
僮數百冲襟眇識人多江漢之靈麗藻華文代有雲  
泉之氣北齋開敞南館靈閒詩酒同歸棗書合契忘  
機得意耻嵇阮之交疎厖席延賓恨原嘗之客少實  
烟霞之數澤風月之津梁乎劉仲文之遠識不以乾  
沒詣梁城閔仲叔之高風不以口腹累安邑雖其已  
沒生氣猶存况乎屬宇宙之明當天下之泰不能俯  
拾青紫高視縉紳攀北極而謁帝王入南宮而取卿  
相脅肩側足求哀鍾釜之間抵首俛眉取濟升斗之



空餘江海  
之心筆札  
神交尚有  
淵雲之氣

末嗟乎誠下官所以仰天漢而鬱佛臨江山而慷慨  
者也。但時可以未遇道。可以未行志。願可以未成功。  
業可以未就。古之才足以輔王業。躡跡屠釣之間。功  
可以濟巨川。藏身版築之下。百里奚之負販。陳湯之  
丐貸。而況於庸者哉。此僕所以駿奔於顧盼之餘。自  
致於恩光之末也。且夫精誠所感。尚動神明。意氣相  
交。豈慙車馬儻能授心。季子遙存素紵之恩。援手應  
候。先立綈袍之贈。豈人之情也。能忘報乎。方今白藏  
紹序。朱律謝期。天高而林。埜疎。候肅而江山靜。輕蟬  
送夏。驚晚吹於風園。旅雁乘秋。動宵吟於露渚。絲續

蘇州詩

仙娥云

月旅方銷

而忌歸寶

夢辭星板

玄瑞而去

返

烟霞四面

關山千里

宅鄉寓目

茲焉復幾

成于南畝杭黍被於東阡時計有儲願履多福下官

薄遊縣載飄寓淹時歡躋相仍憂虞自積步梁鴻之

峻岳何暇長謠臨阮藉之長途惟知慟哭庶凭賙給

以濟漂危輕訴短懷佇流嘉耗

其二

蜀都廣鎮岷墟與壤山分玉宇水向金陵景貺有期

英靈間出榮問休暢幸甚幸甚夫神有可逼淥波驚

一作七

亡柱之音道有可符玄霜扣九鍾之節豈道窮經秘

妙聽簪於無聲理實杳冥玄應通於不測波流柱響

波無入柱之因霜落鐘鳴霜非扣鐘之具矣况乎言



梓州浮圖

神樹遺鶯

鳳川長雁

芳

忘意得臭味相求目擊道存神明已接鄭僑之逢吳  
札無味殊方阮藉之對嵇康自然同志僕雖不敏嘗  
從事於斯矣常謂薰蕕不共器梟鸞不比翼是以類  
乎方者接風雲于千里乖乎類者起山川于一面抑  
嘗聳之士之生也其跡可擯而道不可藏其身可辱  
而志不可奪其有拂衣投臂遁形滄海之隅裂裳裹  
足獨立高山之頂量腹而食度身而衣以鍾鼎爲芻  
豢以衣冠爲縲紲方欲策鸞鳳而撫一作雲需英鞭虹蜺而  
采烟液其次排玉闕指金門成賈誼之謨樹終軍之  
策因機入務懷素將相之門沐雨露霜擁篲公侯之

室然則拾青紫於旦莫取功名於俄頃演文物而動  
寰中騰聲名而振天下若百官者可謂慙二途矣而  
歛手長揖強顏高視低心於蹇躓之辰忍耻一作致以一作致栖遑  
之日者哉渭濱留釣膺揚之業未萌溜源滯一作致鴻漸  
之資蓋寡及其攀穹運接靈期乘雲雷而清八極和  
陰陽而調萬品則知冥機所運吉凶於倏忽之間玄  
命所移飛伏於斯須之際以日月自至聊復爾耳方  
今炎飈謝節爽候關辰風高而宇宙清霜下而亭郊  
肅歸雲止一作致流曙響於東津落照開虹寫晴規於北  
岸螢踈夕砌蟬足朝林感序緣情故豐奇賞僕一



秦隴再革炎涼戒征軸而無因指歸途而有倦故鄉  
超曠層山重複吳宮尚遠頻驚去鷺之心楚峽猶賒  
已下聞猿之淚徒以風猷未隔道義相存幸承知己  
之心稍緩他鄉之思一作意昔者虞公再見縣光白璧之前  
季布一言猶定黃金之諾况乎交已成於杵臼道已  
茂於金蘭希照窮途遠流嘉貺若使恩裁口腹空留  
安邑之賓惠闕終始取恨昌亭之客

益州夫子廟碑記

述夫帝車南指遁七曜于中階華蓋西臨藏五雲於  
太甲雖復星辰蕩越三元之軌燭可尋雷雨沸騰大

謝里說  
省凡碑  
記非寒儉  
則浮濫  
語此篇不  
迂不泛可  
置廟庭雅  
雉共匹

氣之經綸有序然則撫銅渾而觀變化則萬象之動  
不足多也握瑤鏡而臨事業則萬機之奏不足大也  
故知功有所服龜龍不能謝鱗介之尊器有所歸江  
漢不能竊朝宗之柄是以朱陽登而九有照紫泉清  
而萬物覩粵若皇靈草昧風驪受河洛之圖帝象權  
輿雲鳳錫乾坤之瑞高辛堯舜氏沒大夏殷周氏作  
達其變遂成天下之文極其數遂定天下之象衣冠  
度律隨鼎器而重光玉帛謳謠反宗禋而大備洎乎  
三川失御凡服蒙塵頌豆喪而王澤竭鐘鼓衰而頌  
聲寢邵陵高會諸侯輕漢水之威踐土同盟天子寤



河陽之召。三徽制度。乘戰道而橫流。千載英華。與王  
而掃地。大業不可以遂絕。由是河洛兆朕。素王開  
受命之符。天地氤氲。玄聖舉乘時之策。興九圍之廢  
典。振六合之頽綱。有道存焉。斯文備矣。夫子姓孔氏  
諱丘字仲尼。魯國鄉人也。帝天乙之靈苗。宋微子之  
洪緒。自玄禽剪夏。浮寶王於南巢。白馬朝周。戴旌旗  
於北面。五遷神器。琮璜高列。帝之榮三命。雄圖鍾鼎  
冠承家之禮。商丘誕膺下屬於防山。泗水戴靈遙馳  
於汶上。禮樂田其委輸。人儀所以來。蘇排禍亂而構  
乾元。掃荒屯而樹真宰。聖人之大業也。若乃承百王

之丕運總千聖之殊姿人靈昭有作之期岳瀆降非  
常之表珠衡玉斗徵象緯於天經贊像龍尊集風雲  
於地紀亦猶三階瞰月恒星知太紫之宮八桂衡霄  
群嶺辨中黃之宅聖人之至象也若乃順時而動用  
晦而明紆聖哲於常師混波流於下閭太陽亭午收  
燭火於丹衡滄海浮天控涓涔於翠渚西周捧袂仙  
公留紫氣之書東海樞衣刻子敘青雲之袂接輿非  
聖詢去就於狂歌童子何知屈炎涼於詭問聖人之  
降跡也若乃參神揆訓鍊道和倪辱太白於中郊絆  
乘黃於下邑湛亡爲之跡而衆務同并馳不言之化



而群方取則雖復霓旌羽旆齊人張夾谷之威八佾  
三雍桓氏逼公官之制洎乎歷階而進宣武備而斬  
俳優推義而行肅刑書而誅正卯用能使四方知臯  
爭歸舊好之田三家變色願執陪臣之禮聖人之成  
務也若乃乘機動用歷聘棲遑神經幽顯志大宇宙  
東西南北推心於暴亂之朝恭儉溫良授手于危亡  
之國道之將行也命道之將廢也命歸齊去魯發浩  
歎於衰周厄宋圍陳奏悲歌于下蔡聖人之救時也  
若乃筐篚六藝笙簧五典折旋洙泗之間探蹟唐虞  
之際三千弟子攀睿化而升堂七十門人奉洪規而

入室從周定禮憲章知損益之源反魯裁詩雅頌得  
絃歌之首備物而存道下學而上達援神敘教降赤  
製於南宮運斗陳經動玄符於北洛聖人之立教也  
若乃觀象設教三百八十四爻四十有九窮神知化  
應萬二千五百五十有五成變化而行鬼神觀陰陽  
而倚天地以鼓天下之動以定天下之疑索衆妙於  
重玄纂群微於太素聖人之讚易也若以靈襟不測  
睿視亡涯石罅昭集隼之庭土缶驗羶羊之井嵇山  
南望識皓骨于封蛄蠡澤東浮考丹華於夢渚麟圖  
鑒遠金編題佐漢之符鳳德鈞深玉策筮亡秦之兆



聖人之觀化也。時義遠矣。能事畢矣。然後拂衣方外。  
脫屣人間。莫盈與夕。夢之災。負杖起晨歌之跡。撓虹  
梁於大厦。物莫能宗。摧日觀於魯丘。吾將安仰。明均  
兩曜不能遷代謝之期。序合四時不能革盈虛之數。  
適來夫子時也。適去夫子順也。爲而不有。用而不窮。  
五教遠而微言絕。十哲喪而大義乖。九師爭大易之  
門。五傳列春秋之幅。六體分於楚晉。四始派於齊韓。  
淹中之妙鍵不追。稷下之高風代起。百家騰躍。攀戶  
牖而同歸。萬匠驅馳。仰陶鈞而共貫。猶使絲簧金石。  
天縣闕里之堂。荆棘蓬蒿。不入昌平之墓。聖人之遺

風也。遵揚十聖光被六虛。乘素履而保安貞。垂黃裳而獲元吉。故能貴而無位。履端於太極之初。高而無名。布政於皇王之首。千秋所不能易。百代所不能移。萬乘資以興衰。四海由其輕重。雖復質文交映。瞻輪祀而長存。金火遞遷。奉琴書而罔絕。蓋易曰觀乎人文以化成天下。又云聖人以神道設教而萬物服焉。豈古之聰明睿知神武而不殺者夫。

彭州九隴縣龍懷寺碑

粵若真元混沌。抱一氣于天門。象化童蒙。構三霸於地戶。由是金機逆順。山河假成。噐之因玉燭浮沉。風

在蜀志中

得觀此奇

碑稱其

川名粹



火兆流形之藁縣大明於日月適至泉宮設巨浸于

雲雷終迷燬宅太極所以散而爲雨洪飈所以吹而

爲萬雖復卑高異列俱沉方內之遊全集橫流共失

寰中之契豈夫涅槃深視不背色以求真般若長驅

每乘空而得靜則知一名同出陰陽爲破道之墟萬

象皆空天地卽降魔之境莫見其俯仰不知其去就

至自于太虛復歸于無物其有建言立德開業成務

掘大柄而推造化執洪鑪而詰元始四門幽闢顧非

相而逢迴三駕晨嚴臨有爲而出頓豈不知羈孤遠

路終嬰旅泊之虞舟楫中流未釋風濤之苦將以宅

心者。宋虛室所以合符應物者。神明鏡由其不掩故。  
能商確宇宙。指麾權實。演群生而非其力存。庶品而。  
非其有。千樂閉景。似居蓬艾之間。雙闕臨空。若在江。  
湖之上。其釋迦之冲。用乎龍懷山者。井絡之所交會。  
岷隅之所控帶。攢峰北走。吐沓嶂於玄霄。巨壑南馳。  
歆洪濤於赤岸。香城寶地。左右林泉。碧岫丹岑。往來。  
烟霧。時有法會禪師者。俗姓褚氏。吳郡錢唐人也。金。  
章錫美。何陰傳九命之尊。玉鉉乘榮。江左受三台之。  
貴。地靈人傑。自朝埜而重光。學府文宗。冠南都而獨。  
秀。法師紫星降彩。紅雲授氣。應積善於高門。契冥緣。



於累世果浮觴引潛圖彼岍之功聚礫延砂卽振爲  
山之業靈樞密運闢仁路而長鳴慧刃高揮斬邪關  
而洞照以爲冥機體化毫髮莫滯其真執數逐微乾  
坤不容其筭于是四禪幽觀破銅堞而出無明三昧  
雄圖排鐵圍而泯非相法雲自在吐納龍宮賢聖不  
仁奔馳象域將使三千塔廟知真實之玄津萬億幢  
幢入虛空之祕藏安心樂土遁影靈閣以開皇元年  
憩嶺靈墟福地已被神功玉勝金繩未光朝命蜀王  
秀以文昭建國帝子專征仗巴服之尊名裂印荒之  
寶命彤駢偕帝蹕萬騎於銅梁阜蓋圖王警千乘於

玉宇鏡山南望志狹彭渝錦水西浮耻朝江漢開寶  
沉之壁壘嘯京叔之風塵擁龜堞而託殊方憑爵堂  
而傲天子威權所制勝兵數十州雄視所臨經塗五  
千里三英賦雪瞻秋月於梁臺八叟吹風傳朝雲於  
楚館思弘正法廣召名僧振錫雲趨乘杯露合禪師  
括囊泉石韜跡烟霞攀紫桂而同塵守青蓮而向晦  
衝鷺蕩岳寧移忍地之靈烈火焚山不撓堅林之色  
王心有悟時加優禮順風拜道封山謝失發進財於  
廣內揆仙室於重幽因嶂爲壁憑崖列戶以開皇五  
年始賜額爲龍懷寺地隣縣左遂均縣上之恩山似



益卽建龍懷之刹爾其崇巒經復複礪縈廻高丘  
雲長林翳日增瓊垣於下麓揆瑤構於中岩香闕  
神行珍臺妙立玉蚪銜靄絕游氣而負蒼天金鳳連  
甍排烈風而瞰玄圃延綠房于累巘上拂霞莊蔓丹  
闕於重磯下披泉戶陽開陰闔變霜露於旋廻蠖動  
端飛起雷霆於指顧玉堂朝亘影襲長虹珠殿宵浮  
光含列宿禪師沒後爰有孝恭法師智開法師弘嚮  
法師寶積閣黎四上人者並禪師之上足而法門之  
領袖也五明衢路控引情宮八解源流朝宗性海其  
深爲寶投白玉于嶄岩亡礙居貞得玄珠于罔象佳

恃真界。栖息妙塗。俱探寂滅之源。各證菩提之域。雖  
業定人境。照已極於無方。而道寄生成。功遂覃於有  
相。演中乘之奧義。增上棟之宏規。萬拱不騫。千門有  
闢。俄而帝隋大法。皇家小遘。天地閉而賢人隱。雲雷  
屯而巨寶衰。毒龍橫霧。四天沉闇。逆之悲。醉象驅風。  
三界溺崩。離之酷。上人慧機幽晤。定識潛融。知佛日  
之恒明。審王風之尚靜。芝歌商岳。揆鷄嶺而同歸。茅  
藉磻溪。與猴江而共致。遁俗無悶。因時待口。洎丹陵  
啓秩。赤縣居尊。迦維授手。波旬革面。十千天子。新朝  
帝釋之宮。八萬仙人。始向毘邪之國。一音演而荒景



服三聖澄而禮樂備由是巴方舊彥蜀城遺老仰慈  
門而知戶墉叩福田而喜耕鑿雕鞍繡轄瞻鷺嶸而  
馳魂黼帶經裾指鸚林而驚欵寶瓶宵注潤浹堯甸  
玉柄晨麾風調舜曆咸以爲假沉其性迷生安視聽  
之功動亂其心窮子失肌膚之戀江連巫峽始絳心  
猿山對禺同終維意馬貞觀年中積閣黎等乃昭遺  
趾發揮精舍容成校曆列日用於天經諄首陳章莛  
神功於地籙迴廊宵篠自吐風颺列榭崢嶸坐含雲  
雨圖竭宮之妙質儼虛舍之真容寶珠周映銀龕備  
色逸姿垂足似臨堯率之天師利分身若赴維摩之

境靈仙可接。滌會亡施。真應南微。雕鐫有寄。若乃巡  
積坦歷森沉。天花照而高。月落地籟驚而幽。泉思紫  
蘭香。經香侵柏葉之鑑。綠草紋茵影入芙蓉之座。  
真童鳳策卽踐金沙。仙女鸞衣還窺石鏡。巖莊轉梵  
杳冥。松桂之墟。磻戶棲棹。寂寞藤蘿之院。法鼓奏而  
寒山曠。溪鍾鳴而曉壑靜。頽苔翠蘇。具不盡之靈衣。  
石乳瓊漿。入無生之妙饌。肅肅焉遙遙焉。信調御之  
珠庭。而列真之甲第也。爰有上座玄鑒法師等。並六  
塵無我四諦。非它奉乾越之微言。守楞伽之奧府。法  
雷前吼。鼓動風烟。慧日揚明。照臨丘壑。青溪坐定。得



心宅之恒靈丹洞行忘覺身城之每化須彌不動追  
鎮閣浮閣岨安居下觀忉利開四生之廣路敘太趣  
之藝倫足以尊揚真績恭宣來命者矣縣令柳公諱  
明獻字太初河東人也太玄降氣中黃授彩襲周宣  
之榮基吐河汾之靈液四科高第振風翮於三冬萬  
室崇班躡雲驂於百里旣而政成黎頌道洽毗謳假  
無上之幽笈毗不言之景化絃歌在韵將寶偈而齊  
歸銅墨成章與梵天而共貫瓊波湛淡沃蕩雲霓珠  
灌蕭條蔽虧烟雨貞機罕應良談放好事之遊朗調  
多奇高賞盡名山之曲下走東臯事失南州塗窮歎

孔席之栖遑笑楊岐之浩蕩薄遊茲邑喜見高人三  
接而定琴鐫七縱而禽風月林宗有道相期清濁之  
間平叔能言見許天人之際從容宴語契濶胸懷欣  
性情之同冥感形體之共遺雖禪都妙域已挂於忘  
言而義塾文場竊申於知己敢作頌曰  
妙象無倪神功有涉湛淡名器崩騰事業慧路翹車  
禪河艤楫控引群品輪迴庶劫縱橫宇宙反覆山川  
言因境立道寄形詮爰稽福地式揆珍田丹溪漏日  
碧洞栖烟閣在玉檻須彌石室榛灌溟濛風雲蕭瑟  
晬容乃眷禪徒有謚葉磴三休花巖四密崇巒架殿

一作岩



龍嶂營樓千。榴鳳起萬拱。鸞浮星開紺髮月。湛青眸。  
神官不夜邃宇長。秋戶臨重嶢。窓分絕嶺半。迥香浮。  
中天梵警鶴林聖迹。龍泉佛影。鳥思山空。猿悲峽靜。  
森森巨柏落落長松。月出東岫霞生北峰。山人自狎。  
埜老相逢。白雲屢斷青溪幾重。彭澤之令。臨卽之客。  
比得疑山藪重規。泉石法宇成言。慈門致役。糠粃吏。  
隱薜蘿心跡五生擾擾。與道皇皇。殷勤頌咏。惆悵津。  
梁授功。翠碣助化玄場。百年之後。苔薜蒼蒼。

### 遊山廟寺序

吾之有生二十載矣。雅厭城闕。酷嗜江海。常學仙經。

博述道記知軒冕可以理隔鸞鳳可以術待而事  
多衣食之虞登朝有聲利之迫清識滯於煩城仙骨  
摧於俗境嗚呼阮藉意疎嵇康體放有自來矣常恐  
運促風火身非金石遂令林壑交喪烟霞版蕩此僕  
所以懷泉塗而惴恐臨山河而嘆息者也粵以勝友  
良暇相與遊於玄武西山廟蓋蜀郡二靈峰也山東  
有道君廟古者相傳以名焉爾其丹壑藂倚玄崖糾  
合俯臨萬仞平視重玄乘杳冥之絕境屬芬華之森  
節玉房跨霄而縣居瓊臺出雲而高峙亦有埜獸羣  
狎山鶯互轉崇杉埒巨柏爭陰積瀨與幽湍合響眇



妙焉逸逸焉王孫何以不歸羽人何以長遯其玄都  
紫微之事邪方歛手鐘鼎息肩岩石絕視聽於寰中  
置形骸於度外不其然乎時預乎斯者濟陰鹿弘胤  
安陽邵令遠耳盍詩以言志不以韵數裁焉

競渡序

唐駱賓王

當其得意  
何殊漉沙  
構白熬波  
止素積雪  
中春飛霜  
暑略

夏。日。江。干。駕。言。臨。眺。于。時。桂。舟。始。汎。蘭。棹。初。游。鼓。吹。  
咽。江。山。綺。羅。蔽。雲。日。嫵。媚。舞。袖。向。綠。水。以。頻。低。飄。颺。  
謠。聲。得。清。風。而。更。遠。是。以。臨。波。笑。臉。艷。出。浦。之。輕。蓮。  
映。渚。蛾。眉。麗。穿。波。之。半。月。靚。妝。舊。飾。此。日。增。奇。絃。管。  
相。催。茲。辰。特。妙。能。使。洛。川。迴。雪。猶。賦。陳。思。巫。嶺。行。雲。  
博。稱。宋。玉。凡。諸。好。事。請。各。賦。詩。

冒雨尋菊序

四美二難

白。帝。祖。秋。黃。金。勝。友。辭。塵。成。契。冒。雨。相。邀。問。涼。燠。則。  
鴻。雁。在。天。敘。交。游。則。芝。蘭。滿。室。砌。花。舒。菊。還。同。載。酒。



之園。岼葉低松。直泛維舟之浦。參差遠岫。斷雲將野。  
鶴俱飛。滴瀝空庭。竹響共雨聲相亂。抑折巾於書閣。  
行闕飄麴。挹雅步於琴臺。坐聞流水。字中科斗。競落  
文河。筆下蛟龍。爭投學海珠。簾映水風生。曳露之濤。  
錦石封泥。苔濕印龜之岸。泛蘭英於戶牖。應接雞談。  
下木葉於中池。厨烹野雁。墜白花於溼桂。落紫蒂於  
踈藤。雖物序足悲。而人風可愛。留姓名於金谷。不謝  
季倫。混心迹於玉山。無慚叔夜。云。

爲徐敬業以武后臨朝移諸郡縣檄

僞周武氏者性非和順地實寒微昔充太宗下陳曾

以更衣入侍。洎乎晚節，穢亂春宮，潛隱先帝之私陰，  
圖後房之嬖。入門見嫉，蛾眉不肯讓人；掩袖工讒，狐  
媚偏能惑主。踐元后于翬翟，陷吾君于聚麀。加以虺  
蜴爲心，豺狼成性。近狎邪僻，殘害忠良；殺姊屠兄，弑  
君鳩母。人神之所同嫉，天地之所不容。猶復包藏禍  
心，竊神器；君之愛子，幽之于別宮；賊之宗盟，委之  
以重任。嗚呼！霍子孟之不作，朱虛侯之已亡。燕啄皇  
孫，知漢祚之將盡；龍廢帝后，識夏庭之遽衰。敬業皇  
唐舊臣，公侯冢子。奉先君之成業，荷本朝之厚恩。宋  
微子之興悲，良有以也。袁君山之流涕，豈徒然哉！是



美人之舌  
烈士之腸

用氣憤風雲志安社稷因天下之失望順宇內之推  
心爰舉義旗以清妖蠱南連百越北盡三河鐵騎成  
群玉軸相接海陵紅粟倉儲之積靡窮江浦黃旗匡  
復之功何遠班聲動而北風起劒氣衝而南斗平  
喑鳴則山岳崩頽叱咤則風雲變色以此制敵何敵不  
摧以此圖功何功不克公等或居漢地或叶周親或  
膺重寄于詔言或受顧命于宣室言猶在耳忠豈忘  
心一坏之土未乾六尺之孤何託儻能轉禍爲福送  
往事居共立勒王之圖無廢大君之命凡諸爵賞同  
指山河若其眷戀窮城徘徊岐路坐昧先幾之兆必

貽後主之誅請看今日之域中竟是誰家之天下

上兗州啓

側聞未遇孫敷鹽居無絕輪之迹時逢和氏荆山有  
連城之珍豈若聽清音于甕餘則枯桐發響收夜光  
于玄璧則怪石騰輝在物猶然况于含識者矣伏惟  
明使君鳳穴振儀龍門標峻瓊彫岳立表秀于雲霞  
煥霜霏澄虛鑒物旣而代工天府忠簡帝心擁熊軾  
而撫百城建隼旗而臨千里坐棠敷惠恩纏去思剖  
竹垂仁式歌來暮清凝夜燭化警晨烏外勗九農內  
弘五教導之以禮樂齊之以刑書約法遵寬設蒲鞭



妙語可勒  
龍宮

之耻立言惟信控竹馬之期甘雨隨車雲低輕重之  
蓋珠還合浦波含遠近之星至如臥理稱難坐嘯匪  
易披裳問疾乘愛景以字人褰帷廣聽穆薰風而扇  
物嚴霜秋降叶隼擊而防小人零落春濡師羔旌而  
禮君子于是仁必有勇義不忍欺美譽鬱于三齊芳  
猷騰于千古若乃清窺遠鏡皎月色于靈臺玄鑒虛  
凝穆風聲于智府研機千篋探賾九流縉翠萼于詞  
林綵鮮花于筆苑文江翻浪織玉漱以韜霞學海驚  
瀾綴珠鱗于濯錦加以懸榻待士擁篲禮賢汲引忘  
疲獎題不倦懷綴味道之客望範圍之駿奔兼包流

深愁花鳥  
之筆

略之夫窺義園以邀集求小善于毫芥顧正禮于三  
龍振幽滯于沙泥許明公于一鶚賓王淹中故俗體  
朴厚之弘規積下遺氓陶禮義之餘化頗遊簡素少  
縑緇每蟋蟀淒吟映素雪于書帳莎鷄振羽截碧  
蒲于翰林既而學異懷蛟才非夢鳥價不齊于南漢  
劣不重于東山幸屬日月光華雲霞紛郁方結羨魚  
之網將謠叩角之詞奮短翮于檜榆希高標之餘拂  
濯纖鱗于涓滴望鴻浪之微霑所冀顧盼曲流剪拂  
增價則鉛刀有一割之用跛鼈致千里之行是知竊  
混吹于齊竽濫飛聲于郢路拘山鷄而自恧顧遼豕



以多慙輕觸威顏不遑流汗謹啓

上梁明府啓

某啓往者聞歌薛邑賞彈鋏于馬謖佇駕夷門揖抱  
關于侯子豈惟成風之斲妙思通神流水之絃清音  
入聽况夫志合者蓮心可采情詣者蘭味寧忘伏惟  
公儀天峙構層基控射牛之峰浸地開源驚濤疏釣  
鼇之浦至夫封侯廟食掩金許以霞寨三主八公  
袁楊而岳立于是功超振鷺位典烹鮮水鏡澄瀾照  
翔鸞之舞影吟琴動操叶馴雉之雅音旣而盛德有  
鄰佐皇華而撫俗君子不器扈輜軒以觀風某指

摘遷聲鄉蓬轉不叶十室無專一經扳驥逸而無由  
仰鵬飛而自失公顧盼成飾咳唾爲恩庶微潤于江  
波冀求光于隣燭使幽禽遷木侶丹山于帝梧鳴石  
在川應黃鍾于仙管敢布心也詎能望焉謹啓

上司列太常伯啓

側聞魯澤祥麟希委質于宣父吳坂逸驥實長鳴于  
孫陽是則所貴在乎見知所屈伸乎知己故彫其璞  
嶧山有半死之桐賞其聲柯亭無永枯之竹伏惟明  
常伯公儀天聳構橫九霄而拓基浸地開源控四紀  
而䟽派自赤文薦祉曲阜分帝子之靈紫氣浮仙函



谷誘真人之秀本枝百代君子萬年道叶神交黃石  
授帝師之略德由天縱白雲降王輔之精峰秀學山  
列三墳而仰止瀾清筆海委九流以朝宗登小曾之  
巖辨練光于曳馬臨大吳之國識寶氣于連牛垂秋  
實于談叢絢春花于詞苑辨河飛箭激斗翻白馬之  
津文江散珠圓波漱驪龍之穴是用德茂麟趾削桐  
葉以分珪道煥鶴池映桃花而曳綬旣而揆留皇鑒  
忠簡帝心奉職春宮爍離光于青殿代工天府明台  
耀于紫宸綜理玄風燮調元氣含輝禮樂皎愛日以  
流光毓彩文章映德星而開照若乃識度弘遠器宇

前當其詞  
小達窮其  
理與色

疏通明允篤誠盛業隆于厚土惠和忠肅玄功格於  
上天則伊陟謝其緝熙巫咸慚其保乂舉才應器與  
士無私水鏡澄花炫金波于靈府冰壺徹鑒朗玉燭  
于神機則鄧攸莫際其濶盧毓罕窺其術故使妍媸  
各安其分輕重不失其權五教克敷百揆時敘折衝  
千里曾連談笑之功師表一時郭泰人倫之度加以  
分庭讓士虛席禮賢片善經心揖仲宣于蔡席一言  
合道接然明于鄭階某蓬廬布衣桑樞韋帶自弱齡  
植操本謝聲名中年誓心不期聞達上則執鞭爲士  
王庭希干祿之榮次則奉檄入官私室庶代耕之祿



然而忠不聞于十室。學無專于一經。退異善藏。進殊  
官。搏羊角而高翔。浩若無津。附驥尾以上馳。邈焉  
託實。欲投竿垂餌。晦幽迹于渭濱。抱甕灌園。絕心  
機于漢渚。幸屬乾坤浩大。與觀烏兔光華。嵩山動萬  
歲之聲。德水應千年之色。雖無爲光宅。欣預比屋之  
封。而有道賤貧。耻作歸田之賦。于是竭來瓮牖。利見  
金門。指帝鄉以望雲。赴長安而就日。美芹之願。徒有  
獻于至尊。蟠木之姿。誰爲容于左右。明公夾幾成務。  
論道經邦。一顧之隆。駘足逾于仙鹿。片言之事。魚目  
軼于靈虵。庶望顧兔。維箕動薰風于海外。從龍潤楚

需甘澤于堯雲則鱣餘之魚希振鱗于吳水膳後之  
豕翻化龜于魯津拜伏階墀增其冰谷謹啓

上吏部裴侍郎書

四月一日武功縣主簿駱賓王謹再拜奏書吏部侍郎裴公執事易曰書不盡言言不盡意然則義在乎象非書無以達其微辭意乎情非言無以筌其旨僕誠鄙人也頗覽前事每讀書見高堂九仞曾輿有北向之悲積粟萬鍾季路有南遊之歎未嘗不廢書輟卷流涕沾衣何者情蓄自衷事符則感形潛于內迹應斯通是用布腹心瀝肝膽庶大雅含弘之量矜小



勢利相傾  
一語恐四  
人不服

人。慙。款。之。誠。惟。君。侯。察。焉。賓。王。一。藝。罕。稱。十。年。不。調。  
進。寡。金。張。之。援。退。無。毛。薛。之。遊。亦。何。嘗。獻。策。于。時。高。  
談。王。霸。銜。才。揚。已。歷。詆。公。卿。不。汲。汲。于。策。名。不。戚。戚。  
于。卑。位。蓋。養。親。之。故。也。豈。謀。身。之。道。哉。不。圖。君。侯。忽。  
垂。過。聽。禮。以。弓。招。之。恩。任。以。書。記。之。事。擬。人。卽。多。慚。  
阮。瑀。入。幕。則。高。謝。郗。超。夫。聶。政。荆。卿。刺。客。之。流。也。田。  
光。豫。讓。烈。士。之。分。也。咸。以。勢。利。相。傾。意。氣。相。許。尚。且。  
捐。軀。燕。趙。甘。死。齊。韓。今。君。侯。無。求。于。下。官。見。接。以。國。  
士。當。陪。麾。後。殿。奉。節。前。驅。賈。餘。勇。以。求。榮。效。輕。生。而。  
報。施。所。以。逡。巡。于。成。命。躊。躇。于。從。事。者。徒。以。夙。遭。不。

似援救鄒

造幼丁閔。凶老母在堂。常嬰羸恙。藜糗無甘。旨之膳。松檟闕遷厝之資。撫弓存亡。何心天地。故寢食夢想。噬指之戀。徒深。歲時蒸嘗。崩心之痛。罔極。若僕者。固名教中一罪人耳。何面目以奉三軍之事乎。况屬天倫之喪。奄踰七月。違膝下之養。忽至三年。而凶服之制。將終。哀痛之情。未洩。興言永慕。舉目增傷。夫怨于衷者。哀聲可以應木石。感于情者。至性可以通神明。故徐元直指心以求辭。李令伯陳情以窮訴。上以棄興王之佐命。下以全奉親之篤誠。而蜀主不以爲非。昔君待之愈厚。此二人者。豈貪貧賤惡榮華。厭萬乘。



之○交○甘○匹○夫○之○辱○也○蓋○有○不○得○已○之○者○哉○儻○有○乾○沒○  
爲○心○脂○韋○成○性○捨○慈○親○之○色○養○許○明○公○以○驅○馳○內○忘○  
顧○復○之○私○外○存○傳○會○之○眷○薄○骨○肉○厚○榮○寵○苟○背○恩○以○  
自○效○則○君○侯○何○以○處○之○且○義○士○期○乎○貞○夫○忠○臣○出○乎○  
孝○子○既○不○能○推○心○以○奉○母○亦○焉○能○死○節○以○事○人○假○物○  
議○之○無○嫌○實○吾○斯○之○未○信○也○流○沙○一○去○絕○塞○千○里○子○  
恰○入○塞○之○魂○母○切○倚○廬○之○望○就○令○歡○以○卒○歲○仰○南○薰○  
之○不○貲○而○更○憂○能○傷○人○迫○西○山○而○何○幾○君○侯○情○深○錫○  
道○類○切○天○經○明○恕○待○人○慈○心○應○物○儻○矜○犬○馬○之○微○願○  
惻○鳥○鳥○之○私○情○寬○其○負○恩○遂○其○終○養○則○窮○魂○有○望○老○

母知歸賓王死罪再拜

與程將軍書

言員字千  
書陶真爲  
道白之室  
靜默爲大  
玄之門悟  
哲冕是倘  
來知榮華  
非力致又  
曰桂樹寒  
花公子去  
而忘還松  
君春草王  
孫遊乎不  
歸

昨見武郎將備陳將軍之言恩出非常談過其實恭  
聞嘉惠深用慚惶君侯懷管樂之材當衛霍之任豐  
功厚利盛德在人送往事居元勲蓋俗智是以興王  
業道足以濟蒼生尚且屈公侯之尊伸莞庫之士若  
下僕者天地一無用芻狗矣粵自旌賁之晨卽逢聖  
明之曆材不經務不能成佐命之功智不通時不能  
包周氏之慮加以天資木強不能屈節權門地隔蓬  
心不能買名時議常願爲仁由已喪我于吾見機可



以絕機無用之爲有用。隨時任其舒卷。與物同其波  
流者矣。其于木也。魯般無所措其鉤繩。其于駕也。伯  
樂無所施其銜策。不悟聖朝發明揚之制。君侯緝雍  
熙之道。曲垂提獎。廣借遊談。猥以樗櫟之姿。忝預賢  
良之薦。當今鴻都當學。麟閣多英。非游夏不可以升  
堂。非夔牙不可以擊節。倘使片言失德。事暴區中。匹  
夫竊議。語流天下。進乖得賢之舉。退貽薄德之譏。恐  
不肖之軀。爲高明之累耳。必能一盼增價。九術先登。  
燕昭爲市駿之資。郭隗居禮賢之始。則當效駑鉛之  
用。飾固陋之心。陶鑄堯舜之典。謨憲章文武之道德。

迂

感而且愴  
文生于情

上以究三才之能事下則通萬物之幽情將使詞翰  
爲行已外篇文章是立身岐路耳又何足道哉言而  
不慚者恃惠子之知我也所恨禁門清切造別無緣  
官守牽纏風期有限其尚期辭滿倘泛孤舟萬里烟  
波舉目有江山之恨百齡心事勞生無晷刻之歡嗟  
夫流水不窮浮雲自遠沾襟此別把袂何時恃以平  
生之私忘其貴賤之體再拜



文選卷之  
九

九

夫。水。不。離。雲。自。鼓。故。無。此。限。味。亦。亦。相。并。以。平。  
舉。目。有。五。山。之。別。百。物。之。事。幾。主。無。容。岐。之。辨。聖。  
宮。宰。宰。豔。風。眼。亦。別。其。尚。眼。續。漸。離。又。何。良。萬。里。舉。  
不。神。春。耕。惠。子。之。曉。非。也。視。地。禁。門。書。民。鼓。隔。無。操。  
然。亦。已。快。識。文。章。其。立。良。如。祖。耳。又。何。良。萬。里。舉。  
以。安。三。太。之。道。車。不。以。通。萬。物。之。幽。靜。津。其。所。求。

館陶郭公姬薛氏墓誌銘

陳子昂

文亦解  
芳可摘

姬人姓薛氏東明國王金氏之胤也昔金玉有愛子  
別食于薛因爲姓焉世不集無此字與金氏爲姻其高曾  
皆金玉貴臣大臣也父承冲有唐高宗時與金仁問  
歸國帝疇厥庸拜左武衛將軍姬人幼有玉色發于  
穠華若彩雲朝升微月宵映也故家人美之少號仙  
子聞羸臺有孔雀鳳凰之事瑤情悅之年十五大將  
軍薨遂剪髮出家將學金仙之道而見寶手菩薩靚  
心六年青蓮不至乃謠曰化雲心兮思淑貞洞寂滅  
兮不見人瑤草芳兮思氛氲將奈何兮青春遂返初



服而歸我郭公郭公豪蕩而好奇者也。雜佩以迎之。  
寶琴以友之。其相得如青鳥翡翠之婉變矣。華繁絕  
歌樂極哀來以長壽二年太歲癸巳二月十七日遇  
疾卒于通泉縣之官舍。嗚呼哀哉。郭公悅然猶若未  
亡也。寶珠以含之。錦衾以舉之。故園途遙言歸未遑  
留殯于縣之惠普寺之南園。不志貞也。銘曰  
高止之白雲兮。願一見之何期。哀淑人之永逝。滅緝  
園之春時。願作青鳥長此翼。魂魄來兮遊故國。

別中嶽二三真人序

大愛名山歌長往。世有之矣。若夫撥身霄嶺。宴景雲

林卑俗不可得而聞時士不可得而見則吾欲高視  
終古一笑昔人嵩山有二仙自浮丘公王子晋上朝  
玉帝遺跡金壇鳳笙悠悠千載無響吾每以是臨霞  
永慨撫膺增歎常謂烟駕不逢羽人長徃去囂世走  
青雲登玉女之峰窺石人之廟見司馬子微馮太冲  
霓裳眇然冥壑獨立真朋羽會金漿玉液則有楊仙  
公玄默洞天賈上士幽棲北谷玉笙吹鳳瑤裝駐鶴  
方且迷軒轅之駕期汗漫之遊吾亦何人躬接茲賞  
實欲執青節從白蜺陪飲崑崙之庭觀化玄元之府  
宿心遂矣冥骨甘矣豈知瓊都命淺金籙道微攀倒



不夫樹則  
古人之心  
不獨

景而迷途顧中峰而失路塵縈俗累復相吾和仙人  
真侶永幽靈氣翳青芝而延佇遙會何期折丹桂而  
徘徊遠心空絕紫烟去黃庭極仰寥廓而無光視寰  
區而寡色悠悠何往白頭名利之交咄咄誰嗟玄運  
盛衰之感則如楊朱岐路墨子素絲尚平辭家而不  
歸鮑焦抱木而枯死可以慟可以悲古人之心吾今  
得之矣

唐睿宗玄真黃帝哀冊文

唐蘇頌

韓休致頌  
文集云爽  
律與雲天  
並高繁草  
與霞月俱  
亮故能虛  
明獨照壯  
忌雄飛又  
曰洞簫爲  
賦方傳漢  
帝之宮而  
禪草遺忠  
空留茂蔭  
之下

維開元四年歲次景辰六月乙巳朔二十日甲子太  
行睿宗大聖玄真黃帝崩于百福殿徙殯于太極殿  
之西階粵十月朔某日將遷座于橋陵禮也素帶褰  
周青壺警節儼無聲以虛衛陳有象而成列哀子開  
元神武皇帝某追攀引繚眇擗司常悽庶物其涕逆  
感衆靈而影彰睠茲鴻業欽若要道爰制近臣敢揚  
大寶其詞曰高祖興唐垂其耿光睿宗誕慶紹我明  
命明命伊何重熙累盛耿光伊何翊善傳聖在昔分  
瑞爰初剖符宅殷令典居相宏圖宣哲觀藝祇庸服



踐其成式納以嘉謨否歷終泰傾維更紐予從代  
王子事周母退象藏密冲襟釋負不爲震驚自得謙  
受權乃復亨塞而自開固推皇弟仍陟元台鳴牝構  
孽紛虹肆災颺馳神武電掃姦回三讓天下載登宸  
極順夫毗心忘我帝力鞮譯修貢親賢任職樂英已  
敷禮緯重繹宗廟率祀郊丘肇禋養而迎夏芟以祈  
春靜默公道和平返淳智周翔泳功濟陶鈞知子惟  
明從吾所尚陋伊祈之莫緒追齧缺而將喪帝乞執  
乎厥中皇遂崇于太上始授圖而觀察終脫屣以清  
曠齋必閑館朝而別宮問安順色資孝弘風理極兼

有唐一代  
氣象衰於  
此公之手

受言承至公豈綴衣而憑几忽成鼎而號弓嗚呼  
哉夢年罕驗顧是付囑屬神器其得所委靈心其何  
欲增摧絕以孺慕竟厭時以去俗萬邦赴而同軌六  
遂陳而帥屬外群悲于縞素中不瘞于珠玉蜚輅迎  
轉龍幌戒徂寒生紫殿曉發清都笳挽遲遲而徙靡  
旆旌戀戀以威紆除櫟陽之御路指樁嶽之幽途豐  
旣獻而三撤神方寧而九虞遠遊通冠近嚴歸輝  
高而渭川盡見馮下而秦京稍出積耘草以橫霜  
悲松以翳日嗚呼哀哉粵義軒之建子姒兮令問傳  
其不已倚蒲冊之尊聖真兮鴻名冠而方始然後景



雲○藹○華○露○滋○揚○至○德○殷○永○思○此○天○子○之○孝○也○臣○何○足○  
以○知○之○嗚○呼○哀○哉○

大唐封東嶽朝覲序

封○祀○之○山○五○在○中○國○泰○嶽○首○之○昊○穹○之○命○再○集○巨○唐○  
皇○帝○受○之○臨○位○十○四○年○考○虞○氏○歲○巡○之○義○諷○周○王○時○  
邁○之○什○十○月○辛○酉○步○自○有○洛○十○一○月○景○戌○帳○殿○齋○于○  
岳○趾○淵○默○以○清○繹○思○而○照○將○紀○功○布○度○順○斗○承○天○精○  
享○也○已○丑○宏○觀○軼○區○宇○盛○儀○振○開○闢○高○臨○建○鳳○萬○隊○  
張○皇○以○燭○山○上○御○飛○龍○百○神○翕○習○以○扶○道○國○台○二○藩○  
后○四○髦○士○密○侍○信○臣○高○位○豈○封○壘○列○升○陛○不○下○五○十○

止鋪張時  
寫聖教  
四字

以聖言冲邈瑤牒寶書誓之旨曰朕獲守丕業恐不  
克駿命惟上帝儲休錫蒼生無疆之慶朕之慶也古  
則秘之何哉屬寒馳迅颼露清終夕若掃若鋤晏然  
而已庚寅天官次籙王制協時嚴高祖以配之祀高  
宗以陟之冕表立珪璧序潔鼎俎調鍾呂倨勾于龔  
簋戛擊乎祝敵寶駢瑞兮物焜煌空薄霄兮音容與  
則纖塵不動和氣充塞日在于觀天爲之門揚日大  
光謂小天下昭以抱戴見之卿霽郁郁紛紛喜氣烟  
煴當芝檢引紫熏太紫洞而三辰接鬱蒼搖而萬歲  
聞自下達上俟吾君君之來兮望如雲端兮睟聖之



門至尊辛卯有事于社首以泰折如泰壇於穆我膺  
宗侑而作主奠獻鳴咽天子之孝也僉以金匱歸勛  
于祖礪石臧藏美于乾坤戒成祓則司存癸巳載大  
旂合大樂三咳嘯以惟抗四亞鏘而輅止朝群牧揆  
千官底邦賦數庭實華蟲辨等車馬來覲周人隨人  
二王之賓戎狄蠻貊萬里重譯必拱于著執贊奉璋  
顒顒昂昂靡敢怠遑乃建鷄竿伐鼉鼓帝命出皇恩  
溥揚異風作解雨施舍之蕩滌之宥法罪除頗顙頤  
湧洋溢周流黜霸不崇朝而過者與此山俱疇翳而  
不拔胡微而不鋪也亦旣頌壽申命宗伯咨爾頌焉

文

蘇詩大手  
筆局唐文  
首冠今度  
之閣爾就  
語之哉

效古之刻石臣頌稽首再拜而言曰臣聞昔在帝堯  
臣惟咎繇聰明之謂聖邁種之謂德天若曰依于巨  
唐○易○姓○者○李○王○于○中○華○崇○功○者○唐○聖○之○澤○德○之○浸○也○  
我唐祚之興昌符誕膺兩儀動六葉承皇帝宣高祖  
四宗之景烈肇開元神武之明號廣矣大矣莫有不  
寧罔有不俾咸一德之輔不二心之臣群后抗詞曰  
臣聞先王因天事天因地事地因名山升中于天陟  
下得天之經得地之義得人之行行也者孝莫大焉  
兼三才以爲政政也者仁莫大焉含萬物以爲性今  
三才貞萬物享六典平九功成官不滔獄不放至于



刑清良有以也。古者振兵釋旅，祠土祈穀，先事也。我  
是以幸太原，祭汾睢，耀金甲，肅邊鄙，虜馬讐而不敢  
南向。解嚴京師，獲寶鼎，獻宗廟，戍人歸而盡務，東作  
報福京坻。于是乎爰佐五時，郊天以奉時，爰崇九室，  
禋祖而敬思。昭格遲遲，神人允釐，無何籍三春盛六  
穗，不召斯至。擁休之類，如山川則委，曷月而秘始嚴。  
鹵簿騰七萃，啓禁闢廻九重，以聽乎鸞聲之雍雍。匪  
疾匪徐，物有其容。動植讚華夷，觀闐闔，總搏羨漫，半  
散出成臯。踰滎波，馮滑臺，眺洪河，遂並具吾之墟。倘  
侔乎大舜之澤，瀕四瀆，二濟入于堯，徑九一三齊喬。

于岱推二旬有六而頓行在莫不皤皤華皓如藿傾  
陽或牽以餼或捧之觴偃僂乎康莊一以伸神武  
之今日一以感乾封之舊章迺餼歸之觴舉之慈且  
惠而與之驩沸渭頡頏矧國鄒魯家洙泗乘汶野而  
圖記可知指泮林而頌聲不墜以周公之故將孔子  
之後翹然希王者之屬車聖人之清蹕則久及信宿  
之應巖巖所瞻宗神曰天齊王加一等于三事戶二  
十供 祀環十里禁人樵報也大禋旅之數重裋成  
之祿撫遺昨賜之復帝曰吁夫艱難繫王業休咎牽  
人事况天監之殊祥也殊典也。不自滿而虔鞏于位。



朕寶臣曰乾曜洎說有初有終時乃風欽哉汝作朕  
左右丞相。繫汝忠益以嘉猷補袞之闕。罔或怠遂弘  
天封。煥天章。篆介丘而旋德陽。大饗乎群方。程後代  
美其律聲。其實憤作四而籍言七也。臣頌不敏繼伯  
夷之直清微太史之留滯聆金奏同百獸之舞振木  
鐸採萬人之詩故陳詩以頌曰。天子聖兮天孫崇  
登以封兮報以功受命再惟皇代天之賚人所載士  
士馬山嶧戈矛山沓禎符山雜靈響山蒼天與人合  
我鋪衍兮長粹清太元開兮太一精休光光我之慶  
成舜四朝而禹萬國莫之我京。

雙白鷹贊 并序

皆從大處  
立論

開元乙卯歲東夷君長白肅脊扶餘而貢白鷹一雙  
其一重三斤有四兩其一重三斤有二兩皆皓如練  
色斑若綵章積雪全映飛花碎點所謂金氣之英瑤  
光之精高髻偉臆長距秀頸奮發而銳堅剛則厲摩  
天絕海雷繫颺逝觀其行時令順秋殺指麾應捷顧  
盼餘雄當落鵬之賞蔑仇鷁之敵實稀代之尤也皇  
上祗膺聖圖欽若王道方寶賢重穀尊儒食艾後宮  
撤綺繡前殿焚珠玉與皇侯卿士朝夕論思異無所  
貴輕衛公之好鶴奇無所珍同漢皇之卻馬畋豈務



式微有位  
何必有錢

于駢騁獵以存乎蒐狩未嘗合圍掩群載羽灑血乃  
強不攫而猛不噬矣然以萬方人貢懷其來也三年  
重譯嘉其至也故仁爲之心有仁則勇威爲之力有  
威則重况此鳥猛過于衆重倍于凡禮于君則勸忠  
祭于祖則立敬壯其體則用武絳其翼則成文彼寵  
而服之鵷也能果榮而戴之蟬也能絜矧乎職命司  
寇師惟尚文聞箴刺姦擇善爲吏益選士之是式匪  
從禽之足云此謂備于圖而微在位也微臣奉制敢  
稱賛曰鷹之大者精明竦峻勁而橫絕雄則遠振  
錦文素綵珠聯玉潤往乃奮威將軍所徇鷹之次者

勇銳光芒截海而至乘風載揚絡以紅點文其綵章  
下鞬必中惟吏之良



下辭必中。中則與之矣。

玄宗御書故中書令梁國公姚文貞公神道碑

銘

唐張說

張公一代  
又章巨谷

厚而不濃  
巧而不纖

重而不痴  
練而不刻

敘曰八柱承天高明之位定四時成歲亭育之功存  
畫爲九州禹也堯享鴻名播時百穀棄也舜稱至德  
由此言之知人則哲非人罔乂致君堯舜何代無人  
有唐元宰曰梁文貞公者位爲帝之四輔才爲國之  
六翮言爲代之軌物行爲人之師表蓋維嶽降神應  
時間出者也公諱崇字元之姚姓有虞之後遠自吳  
興近徙于陝今家洛陽焉烈考長沙文獻公樹勲王  
室建旟舊府公純綺而孤克廣前業激昂成學榮問



目流武庫則矛戟森然文房則禮樂盡在弱冠補孝  
敬挽郎又制舉高第歷佐濮鄭並有聲華入爲司刑  
承天授之際獄吏峻密公持法無頗全活者衆進夏  
官員外郎郎中侍郎朝廷曰能遂掌軍國遷鳳閣侍  
郎監修國史兼相王府長史始則天人讓王承置醴  
之顧終以飛龍利見延叅乘之恩自時厥後恒當大  
任凡主處兵部尚書三入中書令一爲禮部尚書左  
庶子又肅政大夫總靈武軍兵馬又司僕卿知隴右  
監牧出典亳宋常越許申徐潞楊同十郡景雲初以  
藩邸舊僚封梁國公食賦百室公性仁恕行簡易虛

懷汎愛而涇渭不雜真率徑盡而應變無窮常推是  
心以御于物故所莅必毗庶風偃驚狼化從言不勵  
而教成政不威而事理去思覩頌來暮聞歌旣登邦  
政卒乘輯睦及在宗伯神人允諧今之中書是爲理  
本謀事兼于百揆論道總于三台公執國之鈞金玉  
王度大渾順序休徵來臻懋德格天名遂身遜拜開  
府儀同三司崇其秩逸其志也開元九年九月寢疾  
薨于東都慈惠里皇上悼焉國人慕焉撫牀輟春曾  
未云比制贈楊州大都督謚曰文貞禮也十年二月  
葬于萬安山之南原在疾也王人賜膳御醫視藥于



夕秀可食

薨也中使弔臨羽儀哀送君臣之義厚莫重焉帝乃  
灑恩仙翰鏤澤豐珉日月照臨于佳城雲烟變態于  
神道寶其文字別爲群玉之山禁其樵蘇卽表三司  
之墓

每看張公  
起句便見  
大手筆

隴右節度大使贈涼州都督郭公神道碑銘  
四序平分清秋之氣勁五方異俗崆峒之人武故隴  
上多豪山西出將其有雲龍感召星象特生金鼓登  
壇隱如敵國麾幢指塞自比長城得之于太原公矣  
公諱知運字逢時一門連魯時人號曰三儒四海齊  
名天下謂之八凱磧鹵之地戎馬生郊業戰鬪而弘

勲仕州縣而爲達啓莫京之繇福不在于其身積無  
聲之善慶必流于後嗣公太白之精雷泉之靈膺家  
之禎爲國而生身長七尺力能扛鼎猿臂虎口虬鬚  
鶚、麟、射、穿、七、札、劍、敵、萬、人、子、卿、路、逢、遙、識、將、軍、之、相、  
唐舉一見足辨封侯之骨解褐以善戰授昭武校尉  
開元二年吐蕃入隴右掠剽牧公兵以奇勝寇不復  
蹤積甲山齊而有餘牧馬谷量而未盡歸功廟筭朝  
議多之拜羽林將軍持節隴右諸州節度大使兼鄯  
州都督河源軍使鎮西郵信國之藩屏坐北落亦王  
之爪牙故入奉期門而出寄分閫執憲總軍典屬乘



吐壯士之  
心

神氣雄勁  
不覺其意

障增爵益邑遇厚恩深俄而六州群胡相率大叛命  
公統隴右之騎濟河曲之師鋒鏑爭先玉石俱碎拜  
左武衛大將軍授一子官金銀噐百事雜綵千段班  
師臨洮邁茲虐疾嗟乎匈奴未滅宿志不申生也有  
涯死而猶視蕃夷邊鎮血面摧心悲慘風雲號慟山  
谷豈非良將視人如子人亦視猶父乎皇帝憫焉詔  
贈涼州都督米粟五百石錦帛五百段命都水使者  
張景佚備物護葬遵朝典也惟公氣猛而性和量寬  
而精銳沈謀可以掩著蔡雄斷可以奪鬼神故常稽  
霜韜鈴芻狗風角然其樹恩結信立威用武烜赫如

天然妙  
不落六章  
窠臼其氣  
厚也

風濤震盪如雷雨戰必克攻必取每有奏謁帝特和  
歎孝文之德魏尚虜不足憂太祖之見郭嘉知成吾  
事○前後錫錦衣寶帶文馬素女爛其盈門長鳴在殿  
感知已之主陳必死之力皇情西顧則九羌疊鼓詔  
書北伐則六狄焚旗上成聖君之玄鑒下效武臣之  
素節其竟也如此其子咸善居喪而過哀或從王事  
而奪禮則知辛賢父子繼位將軍祭彤弟兄望叅師  
律皇上念功以惜逝厚終以遇存有詔詞人爲其碑  
誌○介○士○送○葬○卽○封○征○虜○之○墳○單○于○入○朝○當○祭○虞○遼○之○  
墓○銘○曰○恍○恍○將○軍○雄○畧○冠○群○平○西○征○北○震○戎○懾○獯○



瀟蕭易水  
之聲

蘇晉作御  
宴燕國公

等序

山之拆額

青海之茂

二兩資

亭障臥鼓屯田饋軍仗此白刃致彼青雲郭侯宴喜  
既多受社玄牝友清廟蠲祀鼎食金奏炮鼈膾鯉  
既來不庭有嚴天子流沙博望羽林飛騎河曲廻兵  
臨洮舊趾手握登節魂沈玉帳千里送喪三軍悽愴  
詔葬禮崇恩碑義豐生爲神將死爲鬼雄身世一滅  
榮華萬空祁連之墓長旌武功

季春下旬詔宴薛玉山池序

碧流日煖南山雪殘首獻之浹辰暮春之提日帝京  
形勝借上林而入遊咸里池臺就修竹而開宴泉調

御府味給天厨仙侶宥樂中貴督酒太平佳事前史

未書大矣哉一德日新九功惟敘運曄樞而均四氣  
握金鏡而靜萬方堯舜湯文不違顏于咫尺夔龍伊  
呂共接手于朝廷此則青門上路朱邸平臺城烟屢  
起而泊山野風時來而過水春將悵別愛落花于灑  
途夏如欣會玩峰雲之映沼爾其列筵授几分曹設  
幕艇送江鳧船迎海鶴魚龍左劒曼延揮霍鸞鳳鳴  
簫鼓作申錫開于百甕慈心出于三爵炮炙裏林塘  
醪醴厭丘壑林急管于無算醉湛恩以取樂群公賦  
詩俾僕題序長卿瘠渴覺含毫之轉遲子雲壯夫見  
雕蟲之都廢



洛州張司馬集序

字寒

無一句

法

夫言者志之所之文者物之相雜然則心不可蘊故  
發揮以形容辭不可陋故錯綜以潤色萬象鼓舞入  
有名之地五音繁雜出無聲之境非窮神體妙其孰  
能與于此乎洛州司馬張公名希元中山人也族高  
辰象氣壯河山神作銅鈎天開金印孝友內植禮樂  
外滋勵行閨庭鄉人謂之曾子飛名都邑諸儒號曰  
聖童下帷覃思穿牀嗜古蓬山芸觀之書群玉懸金  
之記魯宮藏篆汲冢遺編無不日覽萬言暗識三篋  
博學吞九流之要處盈若虛雄辯敵四海之鋒退藏

于密漢王問策知帝者之師楚子聞名實諸侯之選  
故得雄飛白簡鷹揚丹筆卷襜帷于天郡設鉤鉅于  
皇州若乃抗埋輪之章執驚馬之議旌賢有通德之  
教疾惡存署背之文繼軌前途遇物成興理關刑政  
咸歸故事之臺義涉箴規盡入名臣之奏加以許與  
氣類交遊豪傑仕遘夷險身更否泰昔嘗攝戎幽易  
謫居印鶴亭臯漫漫興去國之悲旗鼓洶洶助從軍  
之樂時復江鷺遷樹隴鷹出雲夢上京之臺沼想故  
山之風月發言而宮商應搖筆而綺繡飛逸勢標起  
寄情新拔靈仙變化星漢昭回感激精微混韶武于



金、奏、天、然、壯、麗、絳、雲、霞、于、玉、樓、當、代、名、流、翕、然、崇、尚、  
自、大、夫、之、頌、成、室、太、史、之、賦、京、都、魏、則、十、龍、儒、雅、晉、  
則、三、陽、藻、綴、朝、分、南、北、運、迄、周、隋、文、人、才、子、重、世、間、  
出、豈、止、耕、榴、體、物、陳、琳、得、以、示、人、鵠、鶴、寄、辭、阮、籍、稱、  
其、王、佐、故、以、開、國、籍、鱗、次、乎、史、傳、之、首、入、文、場、羽、儀、  
乎、天、下、之、半、公、增、繁、榮、葉、桂、林、之、一、枝、彌、廣、源、流、荆、  
江、之、九、派、宗、門、多、士、斯、爲、盛、與、

### 大唐封禪頌

行、文、如、鼓、元、氣、而、雷、域、中、幽、百、川、而、雨、天、下、

皇、唐、六、葉、間、元、神、武、皇、帝、再、受、命、致、太、平、乃、封、岱、宗、

禪、社、首、鑿、石、紀、號、天、文、煥、發、儒、臣、志、美、立、碣、祠、壇、曰、

行  
稱其大手

天之贊唐不惟舊矣溥有形而歸景罄無外而宅心  
百有八年于茲矣皇帝攘內難而啓新命戴睿宗而  
續舊服宇宙更開朝廷始位蓋羲軒氏之造皇圖也  
九族敦序百姓昭明萬邦咸和黎人于變立土圭以  
步曆革銅渾以正天蓋唐虞氏之張帝道也天地四  
時六官著禮井田三壤五圻成賦廣九廟以尊祖定  
六律以和神蓋三代之設王制也王公卿士儼然進  
曰休哉陛下孝至于天政合乎道前年祈后土人獲  
大穰間歲祀園丘日不奄朔感祥以祈聖因事以觀  
天天文交合其則不遠意者喬丘埽路望翠華之來



上帝儲恩俟蒼璧之禮久矣。馬可專讓而廢舊勛。群  
臣固言勤帝知罪。至于再至于三。帝乃挹之曰。欽崇  
天道。俯率佳話。恐德不類。敢憚于勤。其撰巡狩之儀。  
求封禪之故。旣而禮官不戒。而備軍政不謀。而輯天  
姥練日。雨師灑道。六甲按隊。八陣警蹕。孟冬仲旬。乘  
輿乃出。千旗雲引。萬戟林行。霍濩燐爛。飛焰揚精。原  
野爲之震動。草木爲之風生。歷郡縣省。謠俗問百年  
舉百祀。興隆典葺闕政。攸徂之人。室家相慶。萬方縱  
觀。千里如堵。城邑連歡。丘陵聚舞。其中垂白之老。樂  
過以泣。不啻蒿里之魂。復見乾封之事。堯雲往舜日。

奇至此

還神華靈鬱爛燁乎穹壤之間庶官百辟羗夷蠻貊  
褒城之後讓王之客序立于禮神之場髦頭弩牙鐵  
馬金鏃介冑如雪旗幟如火遠而于清禁之野于是  
乎以天正上元法駕徐進屯千乘于平路留群臣于  
谷口皇帝御六龍陟萬仞獨與一二元老執事之人  
出天門臨日觀次沆瀣宿曉巖赤霄可接白雲在下  
庚寅祀高祖于上封以配上帝命衆官于下位以享  
衆神皇帝冕裘登壇奠獻俯僂叶金奏佾羽舞撞黃  
鍾歌大呂開閭闔與天語清將信公奉斗布度懋建  
皇極勤恤蒼生昭嘏乎未兆禳災乎未萌上下傳節



別有天地

奇有天落

而禮成樂遍福壽同歸而帝賜神策乃檢玉牒于中  
頂揚柴燎于高天虔忠誠之上達若憑焰而駕烟日  
轡方旋神心餘眷五色雲起拂馬以隨人萬歲山河  
從天而至地越翌日尊睿宗侑地祇而禮社首遂張  
大樂觀東后國風惟舊無黜幽削爵之誅王澤惟新  
有肯災大賚之慶不浹日至化洽于人心不崇朝景  
福遍于天下然後藏金匱于祔室廻玉鸞于上都煌  
煌乎真聖朝之能事而高代之盛節者也于斯之時  
華戎殊俗異音同歎曰兵合多雨山峻多雲豈有大  
舉百萬之師尅期千里之外及行事之日則天無點

天地綱組  
之象

原本經術  
邇厥家法

翳地無纖塵嚴冬變爲韶景寒風鬱爲和氣非至德  
其孰能動天如此其順者乎或曰祭泰圻主先后非  
禮歟曰是禮也非宜也王者父事天母事地侑神崇  
孝無嫌可也且夫柴瘞外事帝王主之蒸嘗內事后  
妃助之是開元正人倫革弊禮起百王之法也故令  
千載賡未光聆絕韻咀甘實漱芳潤爍玄妙之至精  
流不已之淑聲臣說作頌告于神明四皇墳而六帝  
典雖吉甫亦莫能名徒採彼輿人之詩曰大矣哉維  
天爲大惟皇則之率我萬國受天之祺子孫百代人  
神共保綏之云爾而已矣



志不可轉  
一篇主意

進闕羊表

臣某言臣聞勇士冠鷄武夫戴鶡推情舉類獲此闕  
羊遠生越雋蓄情剛決敵不避強戰不顧死雖爲微  
物志不可挫伏惟陛下選良家于六郡求猛士于四  
方鳥無遁材獸不藏伎如蒙効奇靈囿角力天塲却  
鼓怒以作氣前躑躅以奮擊跌若奔雲之交觸碎如  
轉石之相叩裂骨賭勝濺血爭雄敢毅見而銜冠驚  
狠聞而擊節冀將少助明主市駿骨揖怒蛙之意也  
若使羊能言必將曰苦闕不解立有死者所賴至仁  
無殘量力取勸焉臣緣損足未堪履地謹遣男駙馬

都尉垣謹詣金闕門陳進輕冒宸嚴伏深戰越

摹寫闔羊高邁雋壯後若羊能言云云尤得晏子

東方生俳諷遺意

弔國殤文

獨孤及招  
北客文其

声如犬其

聚如蜂其

人如雲並

音調也

北伐兮東胡邈遼陽兮孤竹。徧師兮覆衆。在崇山兮  
峽谷。露茈茈兮蔓草。風蓁蓁兮拱木。見馬血兮夜燃。  
聞殤魂兮雨哭。君王按金鼓而氣憤。撫珠鈴而淚滋。  
橫萬里兮抽恨。弔群山而寫悲。懟凶將兮我辱。悼勇  
夫之狄纍。彼前鑒兮未遠。何後來兮不追。對死地兮  
出陣。臨傷門兮用師。軍奪帥兮虀食。壘車脫腹兮火



陸龜蒙

齊魂爲燕

氣趙骨化

壯

壯

壯

東山記

焚旗有樂。鑿兮。復矣。無范宜兮。愧之。命窮。迨兮。短兵。  
錯。膚鈍。刃兮。血染。鏑旅殘潰兮。棄組練。山猶號兮。谷。  
餘戰。殪原野兮。奈何。違君親兮。不見於戲。何天命之。  
奄忽。俾仁義之治兵。爲蠻夷之俘。骨酸六校之飛將。  
鎮五營之勁卒。吾見出兮。不歸。噫。名存兮。身沒。

兵部尚書同中書門下三品修文館大學士韋公體。  
含真靜思。叶幽曠。雖翊亮廊廟。而緬懷林藪。東山之。  
曲。有別業焉。嵐氣入野。榛烟出俗。石潭竹岸。松齋藥。  
曉。虹泉。龍射雲。木虛吟恍。忽疑夢。聞關忘術。茲所謂。

文音


卷五

請替李邕死表

五九

唐孔璋





請替李邕死表

唐孔璋

山東布衣臣某言臣聞明主御宇捨過取能舉材棄  
行烈士抗節勇不避死見危致命晉用林父豈念過  
乎漢用陳平豈念行乎禽息殞身豈惜生乎北郭破  
首豈愛死乎向若林父死陳平棄百里不用晏嬰見  
逐是晉無赤狄之利漢無皇極之尊秦不兼西戎齊  
不霸東海矣臣伏見陳州刺史李邕學成師範文堪  
經國剛毅忠烈難不苟免往者張易之弄權人畏其  
口而邕折其角韋氏恃勢言出禍應而邕挫其鋒雖  
身受謫屈終姦謀中損然則邕有大造于我邦家也



前宋璟每厚遇者豈以才重抑嘉其忠于國矣今聞  
坐賊醜敗厥行且斯人所能者拯孤恤窮救乏矜患  
積而能散家無私聚陛下下吏訊之聞諸道路執法  
者將極加之以刑噫天之將喪斯文死在朝夕永辭  
聖代臣聞生無益于國不如殺身以明賢臣顧朽材  
輪轅無取徒歎視禽息雖生何爲况賢爲國家之寶  
社稷之衛若喪國家之寶失社稷之衛哲人云亡國  
將若之何是臣痛惜深矣臣願以六尺之軀甘受膏  
斧以代邕死臣之死所謂落一毛邕之生有足照千  
里然臣與邕生平不交臣知有邕邕不知有臣是臣

更決裂

真愛材者  
不恤死

不逮邕明矣。夫知賢而舉仁也。代人任患義也。臣獲  
二善而死。死亦不朽。則又何求。陛下若以臣之賤。不  
足以贖邕。雁門縫掖有足効矣。伏惟陛下寬邕之生。  
速臣之死。令邕率德改行。全林父之功。使臣得明目。  
黃泉附北郭之跡。臣之大願畢矣。陛下若以陽和之  
始。難以用斧鉞。俟天威命。敢忘伏劒。豈煩大刑。然後  
歸死。皇天后土實鑒臣之心。昔吳楚七國叛。周亞夫  
得劇孟。以爲寇不足憂矣。夫以一賢之能。敵七國之  
衆。伏惟陛下敷含垢之道。存棄瑕之義。遠思劇孟。近  
取李邕。豈惟成愷悌之澤。實亦歸天下之望。臣先君



孔子曰鄉人皆惡之未可也况大禮之後天地更新  
捨之復論人誰無罪惟明主深思之臣聞士爲知己  
者死且臣不爲死者所知而甘于死者豈獨爲惜邕  
之賢亦成陛下矜能之德惟明主圖之臣瑋死罪死  
罪

疏奏邕得減死貶遵化尉流瑋嶺南

宣州南陵縣大農陂記

唐韋 瓘

宣部支邑十城而南陵處劇蓋由庶民囂豪物產多  
狀山川闢錯風俗詭浮故理束則民潰政放則民怠  
俱不得其極自非肅廉和敏措動守中則莫至良能  
况功利及物邪皇帝四年今地官侍郎盧公觀察宣  
部精心厚下重難邑長乃以寧國令順陽范君假南  
陵印爲大夫先時縣有廢陂曰大農積歲不理荒梗  
幽扈丘隰遁形空規殘狀非鄉黨之壽耄不可疑識  
與人飛語他邑病能訾訾囂囂波翻風合范君獨判  
于心不畏騰口曰利于人也使吾獲戾而懼悔真吾



心也。且黔愚皆苦于始作，而泰于成功。况吾君侯明  
吾天子聖，尚何懼哉？乃召鄉老里正尹而計之。三旬  
而畢，不戮一人。其始也，驅江波六十里，活活下來，闢  
荒梗數萬畝。汪汪虛明，疊石構嶺，縱三百步，龍盤虎  
闢，橫殺衝波，泄流引洫，臂發三港，支分脉散，澤人大  
田。厥功既成，乃風雨暴闢，洄復換晨，虺虺沸會，似聞  
構作。及乎雨斬雲除，則沙洲突出，力捍嶺下，若自開  
闢之初。信爲神物所相，雖使江河合災，驚濤懷山大  
浸，崩驅暴猛來敵，亦不能軼峻防而侵厚趾。斯乃天  
贊其功，豈非仁深于物乎？其或火雲焚天，旱魃爲虐。

敲蒸癉怒蛟龍追誅而翠湫搖哢澄瀾洗月溶溶浩  
浩獨落天光順勢導流猶潤百里則貫蛙浮塍平歲  
之漑千頃豈爲多哉其細也孕鱗甲之族育鳬雁之  
群羅生菰蒲蔓合菱藻漁父舟人浩歌揚楫厚生之  
物永永不極斯功也可以灼當世而芳千古矣昔者  
西門豹治鄴召公治土蔡而史氏書美顯白良能以  
其因水茂功利澤及物者也則大農傑跡功符天作  
可以論古對能豈有愧乎



此永永不滅。復此可以。映當時。而千古。笑昔者。  
 羣羣坐落。蕭蕭合。萎蕤。燕父。世人。若。烟。對。烟。畢。坐。之。  
 之。邈。千。里。豈。熱。多。姑。其。味。此。平。賴。甲。之。熱。育。具。凱。之。  
 武。國。故。天。光。則。楚。齊。點。離。問。百。里。限。貫。越。我。觀。平。歲。  
 潮。蒸。車。怒。地。諸。獸。和。而。羣。為。計。我。從。關。武。且。歌。歌。歌。

檄告西楚霸王文

唐狄仁傑

唐垂拱四年安撫大使狄仁傑檄告湖州西楚霸王  
項君將校等其略曰鴻名不可以謬假神器不可以  
力爭應天者膺樂推之名背時者非見幾之主自祖  
龍御宇橫噬諸侯任趙高以當軸棄蒙恬而齒劒沙  
作丘禍于前望夷覆滅于後七廟墮圯萬姓屠原鳥  
思靜于飛塵魚豈安于沸水赫矣皇漢受命玄穹膺  
赤帝之真符當四靈之欽運俯張地紐彰鳳紀之祥  
仰緝天綱鬱龍興之兆而君潛遊澤國嘯聚水鄉矜  
扛鼎之雄逞拔山之力莫測天符之所會不知曆數



之有歸遂奮關中之翼竟垂垓下之翅蓋實由于人  
事焉有屬於天亡雖驅百萬之兵終棄八千之子以  
爲殷監豈不惜哉固當匿鬼東峰收魂北極豈合虛  
承廟食廣費牲牢仁傑受命方隅循革攸寄今遣焚  
燎祠宇削平臺室使蕙幃銷盡羽帳隨烟君宜速遷  
勿爲人患檄到如律令

卞山楚王神廟梁簡文帝不記之湖人舊稱項  
爲卞山王或卞山別有項王碑

梁公此檄氣不重瞳公却與奪集翠裘同瞻彼視

武墨直一伏耳

兗州曲阜縣宣聖廟碑

唐李邕

曾愈曰自天子至郡邑守長通得祀而徧天下者惟社稷與孔子焉

夫子之道消息乎兩儀夫子之德經營乎三代豈徒小說蓋有異聞夫亭之者莫如天藉之者莫如地教之者莫如夫子且沐其教而不識其道則不如勿生荷其藉而不由其德則不如勿運故曰消息乎兩儀者也夫博之者莫如文約之者莫如禮行之者莫如夫子且會其文而不揚其業則不如勿傳經其禮而不啓其教則不如勿學上代有以焯序中代有以宗師後代有以丕訓故曰經營乎三代者也噫唐虞之美不必至是贊而大者進聖君也夏桀之惡不必至



擠而毀者。激庸君也。伊尹之忠。不必至是。演而數者。勉誠節也。趙盾之逆。不必至是。抑而書者。誅賊臣也。至若論慈廣孝。輔仁寵義。職此之由。于是君臣之位。序父子之道。明朋友之事。興夫婦之倫。得雖朗日。開覺膏雨。潤黷和風。清扇安足喻哉。借如九皇繼統。而政醇七聖同年。而道合。雖事業廣運。而理齊一時。未有薄遊大夫。僻居下國。德教既往。言滿方來。廟食列邦。不假手于後續。君長萬葉。必歸心于素王。若此之盛。是以騰跨百辟。孤絕一人。易成名而可稱。蓋取

而爲大者也。

奏記宰相

劉知幾

僕自策名仕伍待罪朝列三爲史臣再入東觀竟不能勒成國典貽彼後來者靜言思之其不可有五何者古之國史皆出一家未聞藉功于衆唯漢東觀大集群儒然纂述無主。條章靡建。由是伯度訝其不實公理以爲可焚。今史司取士有倍東京人自爲荀袁家自爲政駿每記一事載一言閣筆相視含毫不斷。頭。白。可。期。汗。青。無。日。一。不。可。也。前。漢。郡。國。計。書。先。上。太。史。副。上。丞。相。後。漢。公。卿。所。撰。先。集。公。府。乃。上。蘭。臺。故。史。官。載。事。爲。廣。今。史。臣。編。錄。可。自。詢。采。二。史。不。注。



起居百家罕通行狀。卽仲尼猶且管窺。况中材豈能  
博物。二不可也。史局通籍禁門。幽居九重。所以杜顏  
面防請謁也。今館中作者如林。皆願長喙。無聞齟舌。  
一示褒貶。曾未絕口。而朝野具知。孫盛取嫉權門。王  
韶見讐貴族。常人之情。不能無畏。三不可也。古者史  
民各有指歸。故尚書以疏通知遠爲主。春秋以懲惡  
勸善爲先。今史官記注類稟監修。或謂尚須直辭。或  
謂宜當隱惡。十羊九牧。其令難行。一國三公。適從誰  
在。四不可也。夫言監者。蓋總領之義耳。宜明立科條。  
定區域。庶人思自免。庶可立成。今監者不肯指授。

修者又不遵奉用使爭學苟且務相推避坐變炎涼  
徒延歲月五不可也凡此不可其流實多雖威以刺  
骨之刑勗以懸金之賞終不能得僕所以屢辭載筆  
之官願罷記言之職者正爲此耳當今朝號得人國  
稱多士蓬山之下良直差肩芸閣之中英奇接武僕  
旣功虧刻鶴筆未獲麟徒殫大官之膳虛索長安之  
米乞以本職還其舊居多謝簡書請避賢路唯明公  
哀而許之

劉子玄名知幾擢進士第調獲嘉主簿累遷鳳閣  
舍人兼修國史時宰相韋巨源紀處訥楊再思宗



楚客蕭至忠皆領兼修子玄病長官多意尚不一  
而至忠數責論次無功乃奏記求罷去因爲至忠  
言五不可子玄自爲見用于時而志不遂乃著史  
通內外四十九篇譏評今古徐堅讀之歎曰爲史  
氏者宜置此座右也禮部尚書鄭惟忠嘗問自古  
文士多史才少何耶對曰史有三長才學識世罕  
兼之故史才少夫有學無才猶愚賈操金不能殖  
貨有才無學猶巧匠無榱桷斧斤弗能成室善惡  
必書使驕君賊臣知懼此爲無可加者時以爲篤  
論卒年六十一

史通論書志

宋祁宗  
見知幾  
勸其作史  
如韓愈乎  
否乎然是  
亦良史材  
也

或以爲天文藝文雖非漢書所宜取而有廣聞見難  
爲刪削也對曰苟事非其限而越理來書自可觸類  
而長于何不錄又有要於此者今可得而言焉夫員  
首方足含靈受氣吉凶形於相貌貴賤彰于國法生  
人之所欲知也四支六府病癢所纏苟詳其孔穴則  
砭灼無悞此養生之尤急且身名並列親疏自明豈  
可近昧形骸而遠求辰象旣天文有志何不爲人形  
志乎茫茫九州言語各異大漢輶軒之使譯導而通  
足以驗風俗之不同示皇威之廣被且事當炎運尤



宋之而  
不易以本  
朝

相○關○涉○爾○雅○釋○物○非○無○往○例○既○藝○文○有○志○何○不○為○方  
言○志○乎○但○班○固○綴○孫○卿○之○詞○以○序○刑○法○探○孟○軻○之○語  
用○裁○食○貨○五○行○出○劉○向○洪○範○藝○文○取○劉○歆○七○略○因○人  
成○事○其○目○遂○多○至○若○許○負○相○經○楊○雄○方○言○並○當○時○所  
重○見○傳○流○俗○若○加○以○二○志○幸○有○其○書○何○獨○捨○諸○深○所  
未○曉○歷○觀○衆○史○諸○志○列○名○或○前○略○而○後○詳○或○古○無○而  
今○有○雖○遞○補○所○闕○各○自○以○為○工○摧○而○論○之○皆○未○得○其  
最○蓋○可○以○為○志○者○其○道○有○三○焉○一○曰○都○邑○志○二○曰○氏  
族○志○三○曰○方○物○志○何○者○京○邑○翼○翼○四○方○是○則○千○門○萬  
戶○兆○庶○仰○其○威○神○虎○踞○龍○蟠○帝○王○表○其○尊○極○兼○復○土

階卑室好約者所以安人阿房未央窮奢者由其敗  
國此則其惡可以誡世其善可以勸往者也且宮闕  
制度朝廷軌儀前王所爲後王取則故齊府肇建誦  
魏都以立宮代國初遷寫吳京而樹闕故知經始之  
義卜揆之功經百王而不易無一日而可廢也至如  
兩漢之都咸洛晉宋之宅金陵魏徙伊瀍齊居漳滏  
隋氏二世分置兩都此並規模宏遠名號非一凡爲  
國史者宜各撰都邑志列於輿服之上金石草木編  
紵絲枲之流鳥獸蟲魚齒革羽毛之類或百蠻攸稅  
或萬國是供夏書則編於禹貢周書則託於王會亦



圖形九牧之鼎列狀四荒之經觀之者擅其博聞  
學之者騁其多識自漢氏拓境無國不賓則有叩竹  
傳節筍醬流味大宛輸其善馬條支致其巨雀爰及  
魏晉迄於周隋咸亦遐邇來王任土作貢異物歸於  
計吏奇名顯於職方凡爲國史者宜作撰方物志列  
於食貨之首帝王苗裔公侯子孫餘慶所鍾百世無  
絕能言吾祖邾子見師於孔公不識其先籍談取誚  
於姬后故周撰世本式辨諸宗楚置三閭寔掌王族  
逮乎晚葉譜學尤煩用之於官可以品藻士庶施之  
於國可以甄別華夷自劉曹受命雍豫爲它世冑相

此言史之  
粗者耳然  
以較之符  
瑞釋老則  
遠矣

承子孫蕃衍。及永嘉東渡。流寓揚越。代氏南遷。華  
從夏。於是中朝江右。南北混淆。華壤邊民。虜漢相雜。  
隋有天下。文軌大同。江外山東。人物殷繁。其間高門  
素族。非復一家。郡正州都。世掌其任。凡爲國史者。宜  
各撰氏族志。列於百官之下。蓋自都邑已降。氏族而  
往。寔爲志者所宜先。而諸史竟無其錄。如休文宋籍。  
廣以符瑞。伯起魏篇。加之釋老。徒以不急爲務。曾何  
足云。惟此數條。粗加商略。得失利害。從可知矣。嗟夫  
後來作者。擇其善者而行之。



卷之四

卷一

陳正德

卷之五

一

出三州北漢會稽時商都縣大庾寄於下取天

卷之五

非徒爲之也。然則其所以爲之者。亦未可知。而文選之

不封刃楚  
新侯等曰  
宜立一不  
蓋自精已  
臣等

素賦非尊一案擬五原賄賂學共丑以爲國士

文揮大同王悅山東人建武

除夏然具中臍  
公亦南北野  
前華裏  
變丑  
數人

[illegible]

少室山少姨廟碑

唐 楊炯

又如黃河之水浩浩湯湯唐文類此記者多特舉一二蓋寬裘緩帶之中自見尊貴也

臣聞崑閬西北之天門也。則五帝處其陽。陸三皇居其正地。太山東南之日觀也。則秦皇刻其石。銘漢帝採其玉策。故知建都邑。正方位。畫崇墉。剡濬洫。必憑天地之險。然後四海為家。擁神休尊。明號協時。月同量衡。必致山川之祠。然後羣神受職。少室山者。山嶽之神秀也。憑河圖而括地。用遁甲而開山。發揮宇宙之精。噴薄陰陽之氣。壁立而千仞。削成而四方。北臨恒碣。猶如聚米。南望荆衡。纔同覆簣。共工觸皇天之八柱。未足擬議。龍伯釣溟海之三山。無階響像。考于



舍神細白玉猶存。驗于山海經黃花不落。昔者生于  
石紐水土。所以致其功。娶于塗山。室家所以成其德。  
后宗之位。象南宮之一星。外戚之班。比西京之列傳。  
惟幾不測。其道無方。騁神變而揮霍。降精靈而盼矚。  
亦猶蔣侯三妹。青溪之軌跡。可尋。虞帝二妃。湘水之  
波瀾。未歇。何止祠稱丁婦。廟號滕姑。少女宅于西宮。  
夫人館于南嶽。山臨白岍。空聞石室之靈。浦對青崖。  
獨有金臺之異。若斯而已矣。時更魏晉。數歷周隋。四  
望於是莫修。八神以之無主。炎涼代序。寧觀俎豆之  
容。霜露霑衣。非復弦歌之地。國家乘天造之草昧。屬

人許之與能高陽有飛龍之樂。始會八風。帝舜有義  
周之音。初調九奏。涼風至。司馬于是乎陳兵。大白高。  
將軍于是乎宜戰。乘斗杓而誓旅。出星門而杖鉞。莊  
周稱天子之劍。舉之按之。呂望言聖人之兵。如風如  
雨。盧敖之窮觀六合。在出于城隍。陶侃之飛入八門。  
未遊于宮室。察璿璣而乎大運。天迴地游。吹玉律而  
部人時。陽動陰靜。煙雲蕭索。而合彩日月。淑清而啓  
旦。豈直鳳巢阿閣。入軒后之圖書。魚躍中舟。稱武王  
之事業。旌旗則日月運行。鍾鼓則雷風相薄。道伊闕  
捷轅轅。怡然長望。邈乎周覽。壯靈山之雲雨。仍求載



祀之經。對開寢之丘墟。思秩無文之禮。于是降天渙  
命。司存因其舊跡。葺其新廟。詳費務議。工徒下隴蜀  
之名材。致荆藍之寶玉。易者言乎悅使民忘其勞。詩  
者歌乎子來成之不日。東西轆轤。南北崢嶸。繡栢兮  
雲楣。光照耀兮奪目。桂棟兮蘭橑。氣氛氲兮襲人。皎  
日登于約疏。奔星下于閨闥。珠簾玳匣。上高閣而三  
休。金柱銀楹。出長廊而中宿。窮山海之瓊寶。盡人神  
之壯麗。豈止河庭貝闕。俯瞰馮夷之都。洛水瑤壇。旁  
臨處妃之館。爾其巖嶂重複。岡巒左右。青霞起而照  
天。白霧生而布地。餘基隱嶙。仍知萬歲之亭。古木摧

殘。尚辨三花之樹。明公舊祀。棟宇岩荒。仙女層臺。風  
煙爛熳。軒轅之訪大隗。先求牧馬之童。太一之徵少  
君。直下乘龍之使。日之吉靈之來。蜺爲旌。兮翠爲蓋。  
雷爲車。兮電爲策。鼓之以南箕。風嫋嫋而先路潤之。  
以西畢。雨冥冥而灑道。華山之上。明星遠燭。陽臺之  
下。暮雨潛通。或瓊室以飛霞。或銀臺而薦樂。天孫忽  
降。蹇停支石之機。神女相歡。卽起投壺之電。左侍右  
衛。則甲申之瓊石。乙巳之蘭蕭。妍倡妙妓。則憑悅之  
清歌。幽靈之鼓瑟。樂章旣闕。禮容斯備。迴風兮雲旗。  
入。不言兮出不辭。荷衣兮蕙帶。不。忽而逝。惟



1

This image shows a blank, aged, cream-colored page, likely an endpaper or flyleaf from an old book. The paper has a slightly textured appearance with some minor discoloration and a small tear near the top edge. There is no text or other markings on the page.

保直不棄請之於日之吉靈之來興爲執今拜爲若

默然無聲之謂太剛武末外剛之童太一之德也

蘇軾詩集卷之五

嵩山啓母廟碑

唐崔融

今江灘之  
間皆以辛  
壬癸甲爲  
嫁娶日助  
塗山之期  
亦可笑也

臣聞河淪越雋有郡邑之爲魚水陷歷陽有吏人之  
化鼈訪遺蹤于女峽風雨蕭條徵往事于姑泉弦歌  
響亮盈虛靡定合散焉常不知誰子旣老氏之多情  
忽然爲人寧賈生之足辯臣謹按啓母廟者蓋夏后  
啓之母也漢避景帝諱改啓之字曰開厥後相傳或  
爲開母而顧野王輿地志盧元明嵩高記並不尋避  
諱之旨以爲陽翟婦人事不經見諒無所取粵若王  
斗璇璣李母之居隣北極金臺石室王母之宅在西  
山氣爲母則羣物以萌月爲母則容光必照坤爲母



則上下交泰。后爲母。則邦家有成。故華胥履跡而雄  
氏孕。女登感神而炎運作。星流華渚而白帝生。月貫  
幽房而黑精降。明明有夏。穆穆塗山。子繫于度土之  
辰。女婚于台桑之地。搜奇帝紀。識異歸藏。束生發蒙。  
而有迷。韓子稱賢而不朽。漢臣之筆墨。泉海陳其令  
名。秦相之一字千金。叙其嘉應。士歌南國。徒聞候禹  
之詞。石破北方。終見生余之兆。則郭璞所謂陽城西  
啓母石。李彤所謂嵩山南啓母祠。隨巢之說有徵。鴻  
烈之言無爽者矣。昔者鸞川之上。母變空桑。脉水之  
濱。男生破竹。美人之虹。名蟠螭。仙婦之月。作蟾蜍。精

衛銜木而傾寬。女尸化草而成嬪。山崩蜀道。臺候婦  
而無歸。石立武昌。亭望夫而不及。論乎誕載。群下莫  
尊于帝王。語乎遷易。凡百無聞于感致。美矣哉。不可  
得而稱也。大唐革去故鼎。取新與運而生。繼天而作。  
握乾元而造物。海內知春。闢混沌而爲家。域中無外。  
海三年而無波。雲連月而不散。司祿益貴。家國于是  
乎有餘。司命益年。臣人于是乎不夭。明王三懼。未嘗  
遺戒慎之心。天子四隣。莫能展彌諧之用。家安其業。  
但聽于隣。雞人得其和。遂同于野鹿。表識記。奏河圖。  
四十六事之著明。曷云尚也。登太山。禪梁甫。七十二



封之可識。何以加乎。夫三統者道之大。五行者生之  
宗。三皇法之而列。五帝則之而序。道以三興。德以五  
立。非天下之至聖。孰能兼于此乎。而猶雖休勿休。損  
之又損。下明詔。發德音。尊天而重人。省方而巡狩。舉  
星畢。洩雲稍。召風伯以清塵。命山靈有護野。馳洛邑。  
驚襄城。天迴而地游。雲合而霧沓。周穆王來遊太室。  
先徵夏啓之居。漢武帝有事嵩丘。卽訪姒開之石。從  
觀其丹青歲古。霜露年侵。聖情有睠。興言改葺。其山  
則古文之外方。其地則新邑之中土。銘壇邐迤。斜分  
玉女之臺。碑闕相望。近對石人之廟。金艸生而五色。

貝樹長而三花紫雲合沓于溪澗白霧氛氲于巖嶺  
考之易林信惟神明所伏求之遁甲固以威靈肅然  
夫其命有司乘務隙因高背下察隱嶙之餘基審日  
觀星揆摧殘之落構周官置臬郢匠揮斤異態神行  
全模化造紅葩奪日飛累樹于山間綺綬衝風架迴  
廊于木末仙人在棟神女臨牕周施玳瑁之椽偏覆  
瑠璃之瓦赤玉爲階甃黃金作門闕山如白蜃樹似  
青溪羞蒹藻于前庭藉生芻于後徑蘭香夾水居然  
洗沐之資竹帚臨風自隔囂塵之境夢臺雲雨宋玉  
對而先驚楚壁山川屈原書而幾倦壽宮檐今不擾



一啓母生  
山比疑續  
紛可愛

象設安兮逾肅。霜羅曳曳雲錦披披。鴛鴦褥兮翡翠  
幃。白羽扇兮青絲履。垂玉鸞之佩。若往而若還。戴金  
雀之釵。不長而不短。其居處也。曖曖昧昧。陰閉陽開。  
其被服也。煌煌熒熒。霞駁雲蔚。鼎俎則麟胎鳳卵。盃  
蕙燃莫餌。膳則木蜜金膏。玉醬瓊酒。當是時也。合五  
嶽。訊九魁。選太陰。命玄闕。馮夷鳴鼓。女媧清歌。左蒼  
龍兮吹簾。右白虎兮絙瑟。金真拂座。玉女焚香。肅肅  
習習。天媛來風。雨雰雰。霏霏神姬下。霜雪孔雀飛。而  
儀鳳舞。弄玉邀歡。輶車合而羅綺陳。智瓊陪宴。麻姑  
服道。變海水而來遊。織婦希風。填河津而下謁。洛妃

如此長文  
到底熱一  
弱字弱句  
此黃鍾爲  
官者也

綽約江妃綿眇。玄女以明月爲珠。素女以積雲作  
九天真母。八極夫人畢集于茲矣。青霞衣兮翠雲裳。  
靈連蜷兮旣留。車迴風兮馬飛電。視倏忽兮無見。  
昔者濟陰山下。降堯母之精靈。湘川水曲。留舜妃之  
像。壇壇或在。徒聞分福之名。棟宇不修。誰辨安歌之  
處。豈知夫三仙福地。百姓尊祠。挾王者之都畿。當聖  
人之順動。犧牲玉帛。可以洽氣和神。幼婦外孫。可以  
披文相質。虔奉綸旨。式陳壯觀。雖周人作詩。自得后  
妃之美。而魏臣獻賦。終慚神女之工。



官書止  
上書  
藏年  
陸河  
文

雲豈明大。三山。而。下。主。其。是。列。三。子。之。乙。也。也。  
新。數。重。短。春。封。間。全。師。之。言。於。宇。不。對。新。將。安。烟。之。  
昔。荷。劍。山。丁。刺。我。我。步。蘇。靈。眼。眼。水。曲。留。我。收。步。響。  
靈。車。幾。今。我。留。車。國。風。今。燕。派。雷。斷。外。感。今。燕。只。惜。  
小。天。真。我。人。越。夫。人。畢。集。于。茲。矣。青。霞。天。今。集。德。  
聯。以。吹。絲。烟。之。文。以。則。凡。為。耗。素。文。以。越。是。計。

答王績書

唐 杜之松

辱書知不降顧歎恨而已。僕幸恃故情庶迴高照起  
意康成道重。不許太守稱官。老萊家居。羞與諸侯爲  
友。延佇不獲如何如何。奇跡獨全。幸甚。幸甚。敬思結  
廬人境。植杖山阿。林壑地之所豐。烟霞性之所適。蔭  
丹桂。藉白茅。濁酒一杯。清琴數弄。誠足樂也。此真高  
士。何謂狂生。僕憑藉國恩。濫尸貴部。官守有限。就學  
無因。延頸下風。我勞何極。前因行縣。寔欲祇尋誠恐  
燉煌孝廉。守琴書而不出。酒泉太守。列鍾鼓而空還。  
所以遲迴。遂攬輿也。僕雖不敏。頗識前言。道旣知尊。



榮何足恃。豈不能正平公之坐。敬養亥唐。屈文侯之  
膝。恭師子夏。雖齊桓德薄。五行無疑。睢夸故人。一來  
何損。

唐中宗孝和皇帝哀冊文

唐 徐彥伯

維景龍四年歲次庚戌六月辛巳朔二日壬午大行  
應天神龍皇帝崩于神龍殿旋殯于太極殿之西階  
粵口雲元年十一月二日乙酉將遷座于定陵禮也  
畫攢毀帟雕輶肅輶縞紼霜迴丹旂雪引御定臺之  
耿默背天閣之崇峻皇帝瞻在原之墜響感聯萼之  
凋陰禮奠收兮泣遺跡同氣訣兮悲聖心爰命下臣  
式揚鴻懿咨睿烈于金牒刻明猷于玉字其詞曰  
少典之子重華之孫珠聯寶系海浸昌源鳳鳥鳴國  
龍蛟守門于鑠皇朕赫應成命青靄南浮彤雲北映



掃制中寓光享累聖欽若應天續成前慶身佩星斗  
掌提曦鏡克明克類允武允文就之如日望之如雲  
聲中律呂辭合典墳道懋登庸榮膺繼體位擁青陸  
業移朱邱春誦夏弦冬詩秋禮復子明辟固天攸啓  
鵬舉提象鸞飛鑿乾蘿圖已御芝璽仍傳拱默當宁  
賡歌撫弦堯親更睦。嫺德通羶萬寶阜成四門光闢  
宵衣若厲追風猶戾野接翹車殿橫儒席留連綯讌  
婉變詞客潤洽泉魚恩周卉毳鞬譯驚輪要荒走幣  
削觚反樸寬刑薄稅俗富京抵人忘疵厲帝圖廣運  
天意難誣旖旎詳錄張皇瑞符仙芝抱砌神蕙播厨。

龜負綈檢鱗銜斗樞。孝思岡極宗庸克賽親幸國陽  
式陳昭配翠輦容與蜺幃。暖蒼龍。繇羅明祗肅對  
玄精。備典洪範盈疇將竦華蓋。遙封岱丘。猷紫寅之  
阨僻。追白雲之豫遊。時若慕于喪妣。道空在于委裘。  
嗚呼哀哉。惟幾在辰。枚卜違吉。仍几虛座。綴衣空室。  
景沴攝提。悲纏昱日。羣臣奉于末命。天下悲乎晏出。  
嗚呼哀哉。宗伯蒞典同軌。赴辰龜謀人兆。犀禔移輶。  
喝苦挽于香掖。咽酸筵于曙旻。彤階鼎鼎兮露驚月。  
玉座微微兮花掩塵。嗚呼哀哉。列綺城之哀仗。引滋  
橋之度幃。朔飈急兮御道寒。愁日晦兮雲郊晚。駐石



原之新塗下金天之舊坂見疎杏之原長覺深松之  
路遠嗚呼哀哉伊昔睿喆先謀壽宮倚那我后復幸  
方中委冠劔于泉窆保明靈于昊穹山有移兮海有  
無神宗山宗典同博快死

景令醞醑悲豔昱日羣臣奉于末命天可悲乎吳出  
即平哀若封幾在風林十裏吉山八里壘縣永空室  
則鞠蜚白雲之漸張報昔墓千奔旅豈空在于委棄  
玄辭辭典共彈盈翻珠粒華蓋豈桂谷立相紫宸之  
左刺叩酒琴輦容與馳執輿劍養忘寐羅即如黃龍  
龍負絲鉢纓綸卡歌幸思固封宗廟哀榮縣幸國訓

鳳翔出師紀聖功頌

唐楊炎

山河金石  
之文惟重  
與厚  
河西平胡  
頌血亂玄  
黃聲囂瓦  
屋是風雲  
皆八陣彼  
草木盡為  
兵  
來鵠聖政  
紀頌  
側頭蚺蚺  
擺蓬握骨  
絕拾賞殿  
而立又曰  
寔謂聖臣  
混沌開君

維唐七葉姦臣大盜于二京皇帝龍鳴于河北觀兵  
雍上建都發號以朝萬國心嚮天地志通幽昧淳精  
四達大造玄成于是巢山駕海之群狼羆鳥章之君  
不期而趨于闕下者四十有三萬元帥廣平王俶太  
尉光弼司徒子儀等稽首言曰臣聞天啓聖以俟時  
聖感時而赴難意者河洛俟怨後東征之期人靈駿  
奔望西狩之禮天子方齊寶輅講金匱之書翌日霓  
旌武賁大車之輪黃鉞靈囂彤弓太阿荆韓楚魏之  
廣七閩五獠之長金鼓百萬車徒九合大陣于東郊



日月

歐陽詹德

勝頌詹德

元之官疾

愈坤元之

常疾

皇帝建白麾以誓于軍曰維高祖歆于上天四宗重  
光照臨下土百有五十祀至于聖皇總武之干戈備  
文之法象最爾逆虜敢迷天紀盜我符璽黷我威靈  
使四海之內兵革縱橫肝腦塗裂旻蒼降鑒錫命于  
予俾續夏已墜之功寬堯未刑之族于戲予匪玉帛  
山河是愛惟蒼生災害是憂匪天命威力是憑惟人  
心忠義是保咨爾張目成天羅植髮成千櫓布和成  
將帥厲氣成風雲若作進退爾惟旗鼓若斷首尾爾  
惟常蛇若戮鯨鯢爾惟干將若拯沈溺爾惟巨艦夏  
有一旅之衆武有十人之暮志定金石信非盟誓爾

其念哉。是時天威動六合。兵氣連太白。乾坤爲之坎  
輒。河嶽爲之震蕩。彼狐鳴鑿齒之徒。不崇朝而聲反  
于謳歌。形歸于蹈舞者。幾過半矣。故鄠杜之師。以形  
勝。灞上之兇。以威逐。桃林之陣。以奇破。河洛之孽。以  
氣摧。帝乃開天牢。迴豹尾。陵顓氣。鎖挽捨。應龍秉鉞。  
玄女侍坐。乃考夏氏配天之義。備漢皇建武之典。雲  
髦玉輅。山動地踊。降自西雍。幸于京師。萬姓前導。百  
靈爲衛。布德澤。望陵寢。悲黍稷之將離。覽城闕之爲  
墟。以雷雨洗川澤。以皇風清怨怒。以大賞議勤勞。以  
成功告宗廟。以詳明去聾昧。以惠政哀困窮。清蹕而



奉聖皇稱觴以朝前殿。于是東國耆老、長安士庶、排  
卽輅入天庭、動于門、呼萬歲、烟雲下遶、林藪山迴、神  
靈頌于堂、精魄感于廟。王侯慶于國、父子洽于家。鍾  
石反于懸、罍俎陳于席。俾不思而降、不祭而歆。以元  
和感生、淳古于是。宰臣聚而言曰：主上以神武清難，  
至德遂人，崇勛絕瑞，光照萬古，闢開日月。于今六年，  
百姓豈忘力于帝乎？人臣盡謝生于天乎？請相與鑿  
石于誓師之場，告成于得衆之地。斯王道之盛典，臣  
炎稽首，敢獻頌曰：天命帝今，蕩妖氛，交風雨，今會  
秦門，惟聖德今，漫海外，五單于，今勇士會，鳥獸今。

家雲島。越浮山。泛青艸。徵羽騎。今列天營。啓金騰。今  
賜長纓。日爲車。今雷爲鼓。醢鯨鯢。今掃烟雨。開明堂  
今饗文祖。帝爲皇。今后爲母。歌雲臺。今冊玉府。彙穹  
石。今駕終古。

唐贈范陽大都督忠烈公李公神道碑

秦霸也。張祿去魏。漢興也。淮陰離楚。龍鳴風雨之會。  
蛇變泥蟠之中。逶迤感通。精氣相合。斯冥契也。豈人  
力也。皇唐贈司空范陽大都督李公諱楷。其本出于  
隴西。八代祖節。後魏雁門太守。燕齊之亂。族沒鮮卑。  
東遷號良將之家。北部實大人之種。其生渤海。其居



戴斗。海塞迴抱。興公之氣。天星下直。爲公之祥。英氣  
混茫。熊據龍驤。望其形得。山河之狀。覩其銳見。金鼓  
之威。神明爲徒。義勇爲器。久視中以驍騎。歲入于遼  
西。臨太原。南震燕趙。雲火照于河上。天兵宿于北門。  
朝廷憂之。有命招諭。合以信誓。際于天人。話言感寤。  
撫劒歎息。是歲以控弦之士。七百騎垂橐入塞。解甲  
來朝。以其本枝。復賜李氏。授玉鈐衛將軍。左奉宸內  
供奉。圖形雲閣之中。置酒蓬萊之上。君臣相賀。羽衛  
生光。君子曰。井谷不可以游。龜龍犧至。不可以戴。松  
栢。漢于是始靖。虜于是始憂。是後殪靺鞨于鴨綠之



野覆林胡于榆關之外北出障塞懷其王庭南救河  
源復其歿地石壑之役以一旅定三軍冷陪之師以  
虛聲破精勁東風之歲外將天軍河湟未寧西護監  
牧雲摩鐵騎山動地踴右據青海北登狼山水泮則  
會師風高則出塞皇威振于四海王化敷于無外故  
得大命三錫天馬輅駟定國難者兩朝拖侯服者四  
紀會兵車者百勝出帳下者千人國有事未嘗不勤  
勞無私可謂知禮于戲天道曖昧胡星未殞以營平  
之年不終大用以伏波之病再出窮荒天寶元年五  
月二十日自河源薨于懷遠縣之師次春秋六十七



○音○句○

贈營府都督。明年詔葬于富平縣壇山原。維公智之。  
大寶神。之異門。心和。體剛。慮遠。精微。思乎耳目之外。  
行乎變化之中。震呼戎獯。嘯吒風雲。貔虎之悍。以禮。  
成百萬之強。以謀勝。故鮮卑因之以疲中國。天后取。  
之以空大漠。于中宗開朔方之地。四百里。于睿宗食。  
佐命之邑。三千戶。于玄宗則主禁衛。吞諸戎。東西南。  
北。動罔不尅。禦戎安邊。凡十命焉。祚于後也。負河圖。  
以列四星。遇英主而當三桀。肅宗之功。復區宇。更爲。  
桓文。今上之道。訓華夷。並爲召畢。乾元中。天子以公。  
炳德丕赫。積仁流慶。大福再成。沒而不朽。乃命太常。



追考功績謚曰忠烈贈司空范陽大都督夫人贈號  
韓國夫人于是建廟堂命宗紀室有山龍之服樂有  
鍾石之和。



